

松陽縣志卷之九

人物志

理學  
文學

忠義  
尚義

廉正  
隱逸

宦蹟  
藝術

孝友  
流寓

篤行  
貞節

山川秀靈鍾毓人物必有卓越之觀松雖僻在一隅

自歷代以來名臣理學忠孝廉正光昭史策者類有

其人至若文章傳為膾炙德義著於鄉閭山林隱跡

足推高尚之風閨閣貞操克樹女儀之範風化所繫

涉筆尤競競乎慎之後之覽者能無感發而興起焉

志人物

理學

宋

松陽縣志

卷之九 人物

一

葉夢得字少蘊宋紹聖丁丑進士自丹徒尉任婺州教

授歷官翰林學士知蔡州民有翟氏者家產百餘萬

兄弟七人其季別居父死後兄賂官吏不以為弟季

訴於官五年不得直夢得呼而語之曰汝嘗娶乎曰

娶信陽鄭氏女誰為婚曰父主之徵其婚書則父親

筆出示其兄乃服拆其產為七又西平民訟有子為

盜誤繫殺之者法當勿論夢得驗所繫傷痕不一曰

夜繫盜不知其為子一繫遽死可矣安有屢繫不逃

復不能辨者捕劾之乃父嬖後妻殺前妻之子給以

為盜夢得曰此廢人倫矣以故殺子孫罪坐之由是

政聲大振再召入翰林學士遷尙書左丞以崇慶軍節度使致仕夢得天姿粹雅文詞幹畧皆不在人下平生歷仕皆以稱職聞自號石林山人所著有易傳書傳春秋傳春秋考春秋讞論語釋言孟子通議石林避暑金石類考等集行於世

潘景憲字叔度以童子中禮部選入太學一時學官如王十朋輩咸器重焉與呂伯恭同擢進士以已學不及伯恭遂師事之因與朱子友善申以婚姻之好會朱子江西使事入對作書告曰甚願一見以慰索離然子今日之行名爲召客是以不果及以口語罷歸

松陽縣志

卷之九

人物

一一

又書告曰子今幾過七里灘矣朱媿不能答及卒朱子爲撰祭文墓銘謂其躬行之効內則孝弟著於家外則仁義信於友而竟不能隨世俯仰一日致身於仕路云

項安世字平甫七歲能賦詩長治春秋教授紹興時朱文公爲浙東提舉乃相與講明義理之學後文公在經筵薦入爲諫官召試館職除秘書省正字嘗上疏曰陛下仁足以覆天下而不能施愛於宮闈量足以容羣臣而不能隱忍于父子上不聽已而聞旨召姜特立赴闕復上疏曰小人在側譬養盜賊於室中禁

防一緩爲禍不測乞早寢召命在朝建明多類此累  
官龍圖閣慶元初坐黨籍罷

王光祖字文季官大理評事精於理學朱文公提舉時  
邂逅邑之福安僧舍文季拱立規掌如太極狀公卽  
異之曰王子胸中自有太極間以傳註質之文季曰  
公註中庸不使滋長於隱微之中愚意當加潛暗二  
字公深然之後數以詩文往復有寄孫竹湖書曰吾  
到栝止得士友王文季一人而已

項復字吉甫嘗從慈湖楊先生學一日先生問曰學而  
時習作如何說吉甫倉卒無以對但云不談口生荆

松陽縣志

卷之九

人物

三

棘先生撫几嘆曰正是此說吉甫繇是警悟學業益  
進晚年有薦之于朝者以白衣授較書郎隱居不仕  
自號耕樂

劉炎字子宣少侍父遯齋先生習聞庭訓專事程朱之  
學因慶元黨籍隱居不仕從真文忠遊著劉子邇言  
十二卷其畧曰中天地而立與天地參者人也天命  
以人不物之矣天不物之而自待以物始也人終去  
禽犢不遠矣然則人之性天地之性也孔以爲貴孟  
以爲善天地予人之正也荀卿謂之惡主血氣言之  
也楊雄謂之混雜人與物言之也韓愈品分之是猶

以清濁之氣高下之質言之也苟韓楊之言性皆非  
天地予人之正也君子保天地之性之謂仁成天地  
之性之謂學其言行於世

王佐由鄉薦入太學尋補武學博士召試學士院對策  
言用兵起釁不便時韓侂胄欲藉此立功見策憤然  
諷御史胡紘劾佐狂妄出判潼川轉運司事佐涖官  
政善人賴休息常作利州學記謂聖人之道以修己  
治人爲要而世方以道爲僞以窮理明經爲儒而時  
方以儒爲黨是非出於一時公議定於萬世四川安  
撫使程松以爲譏訕朝政奏聞落職主管鴻禧觀歸

松陽縣志

卷之九

人物

四

之日單車就道篋惟衣冊而已

鄭克寬字伯厚居遂昌遊松陽類庠就項平甫得聞朱  
子之學淳熙乙卯以春秋中兩浙魁開禧乙丑試禮  
部廷對擢第二由進士授嚴陵郡博士積階至朝議  
大夫克寬嘗歷荆襄間多著作皆渾然天成恬守高  
夢月稱其有舒向之學而不得一造經緯有遷固之  
才而不得一入史館有燕許之筆而不得一侍宮廷  
官不稱能位不酬德惜哉

王道深隱居力學究極性命之理朱晦庵見之與語大  
悅葉符叔亦嗜理學嘗請朱晦庵書敬齋箴以贈之

大加敬異

元

王文煥一名子敬字叔恭少負雅操夙承家學以元末之亂不屑仕進遂取孔孟諸儒緒言研極精微著道學發明大學發明中庸孟子解及心鏡圖治心銘諸作叔恭以心爲明鏡母自欺爲藥物畏敬恐懼克復省察爲工夫巍然負泰山北斗之望學者宗之稱爲西山先生

明

毛仲字時正學有原委好闢異端尤精圖學嘗誦節孝

松陽縣志

卷之九 人物

五

徐先生三善之言以自砥礪篤志孝友以寶貢授海陽令仗忠信敦教化吏民不忍欺然素性耿介當道不合甫期月遂謝事歸所著有常道異端論及理數啟鑰

忠義

宋

王仁孫字汝善辟入國學時相賈似道以母憂起復毅然率同舍生啟博士陳著詣闕上書切諫以似道罪惡昭彰愚夫愚婦亦思逐之今天奪其母是代陛下行罰也書上不報似道怒欲遠竄之以上不可乃止

遂謝病歸家及宋社旣屋乃慟哭震天以不能興復  
爲憾先儒程復深嘗稱爲忠義之士云

程塏字元爽樟四世孫調海門簿慷慨激烈每念世受  
國恩宋亡棄官歸自傷亡國之臣卽戴冠爲道士建  
太極陽明書院居之自稱神陽先生

葉夢鼎咸淳丁卯以夢鼎爲右相昔人云夢鼎先知贛  
州旣辭大全之推挽及爲右相復辭似道之薦擢是  
有明哲保身之智也厥後召爲少師航海赴召以道  
梗不能進慟哭而還又有忠君殉國之心也

明

松陽縣志

卷之九

人物

六

葉希賢號雪庵繇賢良爲南臺監察御史冰蘖自勵壬  
午六月靖難兵起家人驚潰相失謂其已死乃以衣  
冠發喪而葬希賢已從嗣君抵蜀隱姓名祝髮爲僧  
至善慶里杜景賢者遇之迺與地名松柏灘建觀音  
寺居焉朝夕誦經咒其徒聽之則易之乾卦也時或  
挾楚詞放舟於灘中流披卷哀誦每一葉訖卽投之  
水而哭有補鍋匠者往來慶里間或與對酌歌詩歌  
罷亦輒哭衆莫測其意雪庵終時年逾百與其徒訣  
曰我浙江松陽懷德里人也及啟遺篋止易本義及  
百將傳一帙耳隆慶萬歷初再有恩旨卹錄以著其

孤忠大節云

項民彝字善恒狀貌修偉以明經授廣西監察御史上以皇太孫英明欲傳大寶乃抗疏諫曰父子相傳古今常道陛下獨不聞衛輒之事乎且太子仁柔初無顯過千歲後將何以入宗廟乎上怒罷朝時天大雪民彝俯伏不起上入宮復取其疏讀之感悟命宦官搜於雪消陷處得之四肢已僵勅光祿寺調護尋以疾終上一日問侍臣曰何久不見長御史對曰已死矣嘆息久之

盧璣字舜用家貧力學懷抱甚高天順甲申第進士廷

松陽縣志

卷之九 人物

七

策近萬言皆切中時弊李賢當國欲羅致之不屈遂上疏請正宮闈名分及闈寺引浮圖煽惑事言甚剴切執政外忌萬妃內短疏入不報未幾復抵權貴謫戍銅鼓汪直臨邊諷使見之許其入朝璣曰此膝不屈於人久矣益勵志理學辨論古今未定之說作貞宇補遺十目其圖說深得聖賢之旨其雜論責宋舊臣遺士不應仕元與訂誣諸說俱出人意表孝宗時在東宮已聞其名卽位詔起已不可復作矣

詹嘉言字心聲少卓犖以忠義自許由賓薦授象山訓海寇游警與邑令登陴共守屢出奇計佐令卒平寇

因著墨守書及海外篇轉蒼溪諭入川闡擬元復失  
監試惜之薦撰蜀節孝錄王撫臺雅重之檄署梓潼  
篆公至未久流賊忽雨集城圯難守策令子瑗懷印  
同吏賫糧出間道賊至不屈誘逼之不爲動正辭詈  
賊六日斃于賊刃梁司理行斂兩臺親奠合郡紳衿  
義請崇祀名宦復具疏題事聞贈國子助教喪歸松  
當事建祠于學之舊基所著書有柳西臺堅忠節錄  
程必進字以序宋安節公後性至孝喪父雲衢哀瘠毀  
形思慕不已改號景雲優行篤學精于易著河圖衍  
義四方師焉崇正拔貢授贛州訓兩臺重其才題授  
郡丞適大兵圍城未破子庠生矩勸作歸計必進怡  
然曰臨難母苟免得與封疆俱亡幸矣令矩先回矩  
曰大人以忠報朝廷子以孝報生身母爲矩慮城破  
父子俱死之

廉正

宋

項宗嘉登紹興進士由考功郎轉將仕郎歷漕運至兵  
部侍郎居官仁慈立朝清介多所建明常賜緋衣所  
著有震谷集行世

何琮字宗玉初授吉州安福簿始至大書門屏曰俸薄



儉自足官廉貧亦安入朝除左正言轉殿中侍御史  
先此臺諫駁爲宰相私人有彈劾先進副封琮獨守  
古法斥貪逐佞多合物論與相意忤改爲起居舍人  
一日諷琮駁陳墳除命答曰琮他日尙欲附善類相  
怒卽日左遷爲福建轉運副使相去召入爲戶部侍  
郎理宗嘗夢神人云天下欲太平何琮作宰相異日  
以語學士趙汝騰當國者忌之遂不果大用友人以  
詩悼之曰空形良弼夢只戴侍臣冠

潘大臨字舜舉嘗以兩浙運司主管文字官攝温州獲  
海寇五十閱其實釋無辜者半復以太府寺丞出樞

松陽縣志

卷之九

人物

九

真州茶鹽時相丁大全使人諷之曰有羨獻卽受賞  
大臨曰吾一錢皆藉縣官羨餘何取大全怒馳代者  
夜半奪印去後知廣德軍

王唐珪字廷玉歲饑邑尹勸貸珪方卬角請書於籍願  
以千石濟之衆異其志淳祐元年登進士親老歸養  
十年不仕丙寅授紹興法曹乙巳差尙書省簡閱官  
分守平江未幾攝監察御史廉察事適當輪對珪上  
封事言平天下之道正心誠意爲本守令不職實由  
宰輔奸邪罔上賈似道怒諷御史陳堅彈罷之

毛蘭字君玉資性冲澹莊重簡默事父母以孝撫孤嫠

以恩官福州司李時宰相趙汝禡之黨曰林冕者有罪下獄使人夜懷金私之蘭正色不受復賄當道者以威怵之不動其人卒坐法汝禡聞而嘉曰蘭持法如此何有於廷尉乎後召蘭不果行累官二十載歷政凡九考居最卒止承直郎未能脫選時咸以劉向比之

明

鄭德皎爲人風骨嶙峋不甚恭于士大夫識者大期曰此人他日爲諫官能正色直辭者未幾承詔擢兵科給事中侃侃疏章果如所期後論列忤旨遂廷杖落

松陽縣志

卷之九 人物

十

籍歸隱于邑之十里臨流賦詩以樂其志

劉性同潼川人因入府庠僑居麗水永樂西戌聯捷初宰同安補知廣濟行取貴州道監察御史終河南叅政歷官二十年所得俸金置田百畝以遺後清介大著季子鐸天順鄉薦廉介有乃父風

項華興由選貢入太學有才名授錦衣衛經歷居官清介讀書時與五雲周公南虞公瑤同窻相友善及公貢時周公任御史一日操江艘有樂指揮者失律將加軍令樂窘甚公保障之周意公得厚謝因私詢獲酬幾何答曰未嘗識荆周愕然曰我本介士爾更介

于我也虞公爲都御史公往謁之見公冠帶破損執  
公手嘆曰爾何廉介若此

宦蹟

宋

程樟字喬仲資稟粹和局度超曠文史之外無他嗜好  
事繼母以孝聞待諸弟尤篤恩義授連州司理妖民  
龔陸以左道具獄推究其誣誤者數百人改知侯官  
聿新學宮日與弟子講禮習射守廉州政尚簡靜置  
平糶倉以濟民饑擢廣南西路憲使凡所舉刺不市  
恩避怨而獎誘後進尤拳拳焉

松陽縣志

卷之九

人物

十一

程榆字森之九歲能屬文既登第孤介特立耻事婢阿  
家居雅好作人嘗建義倉義學置田以膳師儒宰玉  
山時真西山疏其天資靖重心術端良慈祥愷悌藹  
然有古循吏風不報嘗倅郵史彌遠挾勢干請榆却  
之及持廣左憲節彌遠惡其不附已榆安義命死不  
易志官至中奉大夫職秘閣爵松陽開國男食邑五  
百戶謚曰安節

劉鶚字飛卿城西人淳熙丁未進士歷官至承議郎致  
仕歸雅意振勵後學撥田租一千五百石爲郡學養  
士之資今處州郡學之田皆飛卿所遺也又捐基建

玉泉寺并置寺田五畝松邑仕宦飛卿最稱好義云  
潘景夔字和叔初爲德清尉邑有富民爲盜所掠躬捕  
獲二十人法當改秩同僚賀之景夔愀然曰是得無  
註誤者耶若以幸賞爲心則吏卒鍛鍊以成獄吾不  
忍爲也同僚歎服

潘自中字時乂爲江州司理日有吳門鹽商牽聯就縛  
吏承上意欲加之罪没入其資自中曰入人之罪以  
媚人吾不忍爲也力雪免之州部將二人以軍賦牴  
牾繫於獄統戎者以宿憾欲死之符取自鞠使之誣  
服自中走白於府深明其誣二人賴其力以免

松陽縣志

卷之九 人物

十一

明

包彥齡洪武間舉博學宏詞授給事中至工部左侍郎  
爲人清儉自持不以脂韋自潤時大工繁興公協大  
司空勤敏幹練歲省國帑以萬計上嘉獎之

程罕鼎字九鼎洪武間辟舉出宰雄縣興學育才試士  
得劉觀奇驚曰此真昂昂千里之產異日必爲國大  
用觀後果登進士累官都御史賜一品祿奉王事按  
牘感知已恩爲文親祭其墓

葉廷敏字遜學永樂中爲太學生成祖幸學命講康誥  
克明德章次及天命之謂性章大悅之令獎錄勅同

兩淮巡鹽監察御史薛公僉書時兩淮歲額頗重廷  
敏懇奏減鹽稅數千緡淮人德之侍御將畢事病卒  
聞于朝成祖勅云着監生葉廷敏了事罷廷敏奉勅  
守法事無阿避復命歸家遂隱居教授杜門不出有  
留耕集

程仲堅字希朴廉潔英斷不察察爲工永樂間舉賢良  
授監察御史上手勅曰朕惟明德慎罰以康兆民刑  
期無刑則朕嘉汝公徃巡方痛絕苞苴而激揚有法  
不屑屑彈劾上親書于御屏清白御史程仲堅云

周華字斯榮以賢良方正知武安會朝命覈實定賦乃

松陽縣志

卷之九 人物

十二

與簿議武安土瘠賦重則傷民命遂實封以聞執政  
謂其變亂成法下獄治之有旨問所言出於簿乎對  
曰臣獨爲之簿署名耳竟坐法後武安直衛士千餘  
伏闕呼救上感悟復其官拜兵部郎中

包公貴字搢圭貢入太學授岳州判勤敏廉慎陞禮部  
郎中以外艱歸起補工部時國繕造徵材西川先是  
皆爽期坐法貴領事不疾而速人以神目之竣事告  
歸加四品秩家居躬耕清苦有古廉吏風

王繼行字同倫己卯鄉舉授廣西道監察御史治最陞  
江西僉事冰蘖自勵秩滿疏歸僚屬多旛帳送之帳

裂其文旛留其竿以見情耳餘盡却之

王成字允功貢入太學謁選授監察御史偕工部爲勲  
戚劉大秀等樹碑成後至觀碑次不合於禮入見上  
曰劉汪二氏雖勲戚乃臣子耳不可與高皇帝碑並  
立必遠數十仞庶君臣之分明而報功之典盡矣上  
嘉之一日又曰王成好御史勅命南都簡治成牘核  
官吏能否京師肅然

潘榮孫字廷華永樂間由茂才辟試擢福建監察御史  
廉正公誠骨鯁不阿一切請託槩擯斥之吏如立冰  
淵時號鐵面神君方復命以疾終

松陽縣志

卷之九

人物

十四

王遂字仕庸年十二入邑庠中洪武庚辰鄉試繼下第  
將歸夜忽夢雲梯倚天躡而升之失足欲墮僕掖而  
陟其巔望見天闕次日有旨選士善書者入中書遂  
聞之就試於宗伯中選者二十七人親試之擢三人  
遂居二焉特賜進士出身授中書舍人凡一時詔制  
多遂書之上喜書清風團扇賜之

詹景威尚氣節敦行誼鄉舉中乙科訓晉江誠心作人  
將擢風紀以上封事忤權奸左遷夏邑幕邑民流亡  
將謀不軌威至單騎直入諭以義毀砮復業籍得民  
里七號新官里尋以艱歸起補諸城地久旱蝗官稅

積十二年不能入民竄過半乃抗章乞貸設法捕蝗  
民盡復業長令政稍曖昧卽正色請改陞安福簿令  
敬其才勸曰君所至皆得民少順上可大用矣威曰  
吾強仕所以報君親行已學也若屈節取寵不能乃  
乞歸憲臣交章薦之俱弗顧

詹雨字天澤英敏好學有襟期時值兵燹家造拂鬱養  
親務適其志父沒哀毀癯瘠喪事循禮雖上有五兄  
不少俟分勞有弟寶幼盡心撫育授以經業遂相繼  
登第雨初拜兵部主事清親軍宿弊與汪直忤出守  
建昌雅多惠政尋丁內艱哀戚膺疾起守韶州抑權

松陽縣志

卷之九

人物

十五

門平瀧水積盜官至廣東左叅政謝事家居修祀禮  
講正學誘進後人至今誦之

周雷字時敬由歲貢判延安出鎮神木督倉廩謹度支  
崇學興教恩威竝行地接北邊數被侵掠乃相度地  
宜築堡防禦又地高乏水人多病渴令各鑿井利濟  
無窮及歸民皆遮道泣餞不忍別林下三十年無暴  
色疾言見邑政之有利於民者輒肯直陳

詹寶字天球叅政雨母弟弱冠方受舉業不數年而成  
成化庚子秋兄賦詩爲兆贈行果登亞魁丙辰登進  
士授新昌令土寇鄧遲八肆劫公潛出銳師殲之能

聲大振將內召而性耽山水遂解綬入林斗酒百篇  
以樂天怡性所著有靜齋集

毛文邦號春野慷慨有大志登嘉靖庚戌進士觀吏部  
政以母病䟽乞歸養生平儀度溫雅智識宏偉孝友  
著而信義敷或以私託則閉門不內日惟讀書好古  
崇尚正學每有所心得起授刑部主事時方競進公  
獨恬退遠勢要䟽乞改南官至刑部郎中讞獄多平  
反廉節益勵自鄉舉立仕三十餘年產業如舊卒于  
官幾不能殯世高其行稱曰清德先生

何寶號松坡爲人剛直有氣節好善嫉惡以濟人利物

松陽縣志

卷之九 人物

十六

自任習易經任潯州經歷轉陞推官多善政

葉應榮號石崖少負穎資好讀書多所論著孝友爲邑  
推重萬歷乙酉由明經授監十載甲午除江西清江  
令地雖殷饒俗尙難治公寬仁平恕冰蘖自茹俸金  
外毫無塵染興利除弊一切與民休息歷任十五日  
苦疾父老籲天請禱卒不愈士民痛悼設祭甚有憑  
柩送至衢界者

周大夏號雲亭篤雅廉介由明經爲長洲丞雖居佐貳  
力以四知自矢秩滿歸囊中惟書畫文具湯臨川知  
遂昌雅重其品過松必造廬款語焉



詹光宣號白覺由明經授新昌訓端方聞于觀察改容禮之令署縣多寬政轉諭石城士民立石誦德

詹世厚號懷素隆慶間恩貢爲南大司成所器令永春民以積逋多苦刑公請除荒額稅實畝于是輸將恐後士民祠之誦桃源遺愛遷守祿勸州其俗右武阻文教公至爲興學立市州人德公亦建祠以報  
毛汝科字孟甲幼有異質具遠志克敦實行以明經訓  
涓安諭樂會皆先行誼後文章攝會同篆無重刑厚  
歛吏習民安遷惠州授士民渡海遮留卒於官

劉燿字憲卿判泉州府廉謹愛民多惠政攝南安同安

松陽縣志

卷之九

人物

十七

篆清耗釐蠹署海防巨寇鍾斌殲焉歸休時太史蔣公德璟司銓林公允昌輩爲著甘棠集居鄉尙義助建學宮置學田遇荒賑饑造橋修路累登賓筵  
詹仰華號隣齋節行循謹司瓊州稅課畧無染指壽踰八旬膝下四代人以爲盛德所致

王之祥號懷軒天性孝友事親盡孝聞于閭里由明經訓平陽旋授温州素性澹泊處之怡然與諸生惟講學課藝交勵文行而已後告歸林泉閒適數十年壽八十五

程漢璧字光垣由三考吏給由効勞吏部考律取第三

授鞏縣典史敏慎勤勞督理河道有功御史俞公題  
陞揭陽主簿告致歸

王汝勸號紹橋樸畧寬和常以濟屯救困爲事諸生時  
屢推德行崇正間貢授奉化訓士感其摯性謂吾輩  
典型也復諭武康歸屢薦賓筵壽七十三

丁日懋字進明幼奇穎篤志業儒咸以大受奇之歷試  
不就棄儒爲吏崇正間任天河尉徵輸禦寇事俱有  
方院道獎薦轉柳州目而逝

國朝

劉曰勤字如始篤學醕行生平謹厚自守順治間貢授

松陽縣志

卷之九 人物

十八

廣西上思州時廣西未下從事行間貧瘁憂積勞頓  
不避風雨遂卒于潯州之平陽縣没于王事當道憫  
之

程文安爲人勤慎守法侍上官不干以私後任瓊州府  
經歷教子萬里有聲譽序

王汝斐字篤甫登進士授行人尋管臨清倉草陋規釐  
貪婪倉儲豐裕擢福建延建邵道輯兵惠民風厲僚

屬稱上游保障康熙庚戌主試福省

安溪李光地號厚菴門下士也

毛有翎號蒼梧器度卓犖授貴州尉盜息民安俗婚同  
姓嚴革之轉應城修黌宮建先賢祠及期丁內艱父

老遮道留立去思于學歸捐資修祠壽八十三

徐一卿號豐橋世德肇家幼習儒業長以簿書歷簡名郡居家雍睦庭訓肅清三子皆能克成爲邑之望少子韶勅建宗祠蠲租供祭中尊佟公羨其世德優異遂給匾曰千秋俎豆

葉紹芳號少竹習爲吏勤勞任事非義則不苟取與民排難不可枚舉擢廣東惠安尉縣城圯城中屢遭水難悉力修築士民受其惠至靖盜除奸莫不周悉解冠歸居閭里和藹睦隣壽至八旬

葉承芳號思竹以知印授瓜埠巡通商便民清廉盡職

松陽縣志

卷之九 人物

十九

餘俸解還公帑道府嘉獎焉

劉應機字安山十三都上安人由歲貢官廣東澄邁縣知縣地有珠池採珠者向有常分歸官應機概却不受任滿致仕歸行李蕭然郡守黃公匾其堂曰琴鶴遺風

陳湛字燕侯城南人兄弟友愛讀書相爲師友爲諸生聲噪膠序由歲貢選鄞縣訓導自守廉介束修之外餽遺一無所受致仕日徒步而歸

何承美字在中城東人敦誠古樸從學者甚衆與諸生講論必正席端坐由歲貢任天台訓導造士有方屢

乞歸里諸生多扳留之卒于官年八十三

陳元颺字煥之城南人以拔貢任泰順教諭泰邑僻處  
甌南士氣衰靡文體卑弱元颺竭力振興取大家古  
文時爲指授士風丕變年八十四致仕歸

蕭元偉字修宏城西人天資聰穎爲文雄壯俊麗由選  
貢入成均肄業學問益精司業深器重之授巴州判  
未之任而卒

葉燦字含華城西人由歲貢任昌化縣訓導每以端品  
讀書教率士子至今人猶頌之

丁瑗字聖友爲人慨爽敦行誼重然諾排解紛難干以

松陽縣志

卷之九 人物

二十

私者正容斥之爲諸生士林推重乾隆丙辰歲貢選  
湯溪訓導年七十五未之任而卒

孟修彩字素先號澹園八都舊市人系出亞聖公後天  
性醇謹篤于孝友好古博雅遊學武林受業于包銀  
河之門文章行誼爲鄉里所宗邑令吳公甚加敬禮  
乾隆戊午以明經肄業太學已而回籍道出鄒魯謁  
亞聖廟考訂宗譜辛酉授會稽司訓尋丁艱起補上  
虞訓黜華務實考課必嚴士林深德之甲戌春以年  
高致仕紳士依依不忍別立去思碑于學舍又製謳  
吟傘致無已之情歸里後惟以詩酒自娛壽八十一

周光賢字輝德號寄亭爲諸生讀書敦品崇尚儉約教授生徒多所造就由歲貢任天台訓導倡議復興義學士人交頌之年八十致仕歸

孝友

宋

葉洵仁字行忠宣和中盜起奉親逃匿遇賊奮身翼父身被重創不少却賊納乃相顧曰孝子也引去及長遊場屋不利家索母意不悅遂躬歷耕種務以悅親爲事孫重開從呂東萊學登淳熙十一年進士

徐鏗字振亮素以孝義廉節名時冬月嘗涉躡深山大

松陽縣志

卷之九

人物

二十一

雪中求窩煖之地以葬親親在閉門謝客周旋左右親沒乃從容遠遊鏗通六藝嘗入僧房見寶藏不顧卒時屢空官爲題其墓曰清儒事聞於朝以大夫禮旌之樹坊額曰儒行

薛溶字平川繼母項氏性酷溶曲爲承順奉養備至每歲時爲壽率子弟羅拜積久項感悟愛溶若已出及項歿喪祭盡禮哭奠終身不替宋太史濂嘗稱溶之孝與西河王延無二而溶獨不得列史冊傳後世焉蕭必强字公甫登進士事親備極勞苦疾篤每露香籲天祈以身代及居喪每慟絕而甦里人呼爲蕭孝子

時舅氏無子歸田五十畝屬以後事及歿厚治喪葬立舅氏後還其田景定初舉孝廉不就

元

詹國芳性孝友元季兵亂親不獲葬寇至國芳抱棺號泣寇曰孝子也不忍加害既葬廬墓哀戚積雨廬壞體不受傷衆異之芳素好堪輿術得之不爲已私後世多縉紳亦積德行義之所致云

明

周玘性慈孝後母譖父逐之玘愈恭謹侍母疾頃刻不離晝夜焚香祈禱默佑忽床壁間見火光如手狀母

松陽縣志

卷之九

人物

二十一

病遂瘳居家端肅好施與鄉有時疫悉投藥以療之劉順字子謙性至孝父故事母病竭力罄家資以請醫至廢寢食母將危刲股進療仍升屋焚香告天願以身代從屋投地死而復甦迄母病瘳絕葷酒以祝母壽隣族哀之事聞於上邑尹魏水洲公表其門額曰

孝子劉順

周輅字宗商家貧性孝贅外家母歿父欲以火瘞輅方十歲號哭止之登宏治乙卯鄉薦授安東知縣時歲旱蝗輅積誠祈禱不爲災燕居無惰容必正襟危坐

宗黨景仰

潘璣字齋政天性孝友侍小隱公疾憂色戒心不離左右與兄弟瑜炯觥同居四十年常嬉怡無忤成化間由鄉貢擢鴻臚序班遷吳江丞先是舊族無祠歲時祭其家璣捐資贖舊址建祠舉族德之

葉繼華年十六父簽解白糧洪武初軍興糧急令甚嚴違限者輒死四子皆進卮哭別華獨坐嘆諸兄讓之乃言曰兄輩孝思此泣數行耳吾欲代父死奚哭爲父駭阻謂不更事華不聽比至果愆期將就市適同事有母子爭死慟哭聲震天司刑哀之爲抗疏上曰違期小失也焉可以是遽殺人因得俱釋家人世守

松陽縣志

卷之九

人物

二十二

其教不涉訟

詹春號慎齋貌莊履肅成化間貢授崇仁訓自愧不及封父捐俸修學請給父懷廉以訓導冠帶養孀母何氏孝聲丕振

王詔號龍溪爲邑諸生居喪躬負土築父母墓致白雀蒼鴿之應讀書好持論每見古人節行輒隨筆以誌景行嘗遊治平寺聞藏頂嘆嘆有聲緣梯上視乃抄本一帙記靖難時從亡諸君事其字多斷爛不可讀止得梁郭十數人各贊數語題曰忠賢奇秘錄載吾學編中學臺蘓紫溪先生深向往之祀鄉賢尋孫令

以奉祀生請如其議

詹明號志齋有學有度宏治間貢授武平諭家居廉靜  
自愛撫庶弟纖悉必公

葉元芳字邃府性孝友嘗瀝血焚肉以瘳母病學成遊  
四方與王辰玉先生上下一時通顯贈遺暨諸餼悉  
以分諸弟八人浙闈爲副軍者再其師沈莪山先生  
深惜之後爲高要丞有廣海青天之號監司薦擢崇  
義令以內艱歸亦不復出仕

詹朝宣號梧桐邑廩生多著作孝友性成父南野公卒  
居喪廬墓有賦詩退虎之異

松陽縣志

卷之九 人物

二十四

徐鼎臣字忠孺天性至孝總角時母有危疾籲天刲股  
幾絕若有神掖之乃甦母卒不起號慟廢寢食伯叔  
父強之進糜粥邑上其事院道交旌之服闋補弟子  
員以扶父櫬京邸勞瘁而卒邑人憐其死孝目其葬  
地爲徐孝子墓

徐新化字心純天性孝友侍親先志承順純以色養無  
幾微有忤爲人復朴厚肫摯與人交呐呐不能出諸  
口光霽襟懷令人自醉刑於化行妻毛氏奉翁疾衣  
不解帶疾甚割股和湯藥以進翁疾隨愈舉家咸格  
靡不同風邑令申之學使者錫以純孝格天匾額且



云立佳傳以待國史採風旌表不日可冀云

王幼學號懷茲弱冠遊庠居喪中外咸以孝聞家雖素封處之如寒士遇凶歲減穀價以濟人鄉里感其盛德年八十餘舉鄉飲賓子孫俱有聲譽序

葉儼其父大全萬歷間從征三年不返儼冒險趨省歲大饑稻梁未實儼往刈禾爲漿以飼起諸同行而僵者大全適至相持痛哭遂俱歸年七十杖於鄉列名旌善亭長子選禮通鑑史能持論規過勸學無間親踈樂其嚴而愛其直焉

詹瑗隨父嘉言任蜀遇流寇至父令全印慟哭不忍別

松陽縣志

卷之九

人物

二十五

父曰汝能全印方承我志不得已同吏齋餉以遁寇稍退營收父屍兩臺嘉其孝且有功請恤抱疾扶櫬歿於家有節錄傳世

毛汝智字樂卿天啟間貢敦友愛尤篤接引同調既離產析居聽兄出納素養懿粹試輒高等以體羸不能大就時論惜之

毛炳文號桂林性孝友父病割股祈禱身代反卒母以家貧令其改儒業文多方孝養仍苦讀遊庠食餼凡親戚貧乏者無不周給復教二子成名爲時所推重潘敦字子厚其父瑜及耄無嗣乃立姪爲後旣生敦敦

性孝友嘗自言寡兄弟不免杖杜之悲與兄家業悉均復以膳田供祀同世守爲人樂善慕義種行陰德邑推耆賓壽九十六卒子伯冕伯韶皆忠厚有父風葉同芳號景竹授楊州衛經歷終任還與兄弟砥礪爲善修築道途百廢皆興里中煥焉改觀一時稱爲人傑

周九道字禹開素行克孝父母病劇顛天割股三次名載憲綱院臺匾旌之曰孝達皇都初授興山尉慎勤有聲轉桂東巡幕念繼母老不便迎養告致而歸作斑衣繞膝娛其親焉

松陽縣志

卷之九

人物

二十六

國朝

劉符升字季肅歲貢生十三都上安人少失怙賴異母伯兄士望撫養成立兄弟極友愛符升病士望親調湯藥月餘不解衣寢督課家塾念弟未及親承庭訓泫然流涕符升亦相對泣努力讀書名噪膠序康熙十三年耿逆賊黨陷松邑執士望去符升尾賊後于中途貨執者脫士望歸自以身就縛至寨拷掠無完膚大兵至乃得釋其至性過人如此士望字公榆歲貢生

劉建英字鼎侯十三都上安人性最孝父病剖左股以

療後再病復刲右股母病亦然親歿與弟迪英廬墓側服既除猶與弟作哭親詩詞意酸楚讀者皆下淚兄弟相師友作文體格醕正康熙六十年 恩貢候選教諭弟迪英字惠侯雍正十三年歲貢生候選訓導俱未官而卒

潘尙節字堯章城東人性孝友事繼母極盡子道繼母生三子俱幼父死竭力治家撫愛三弟延師教學均遊邑庠後分產已取其礲瘠以腴田歸弟雖異爨撫恤如初邑令陳公旌其門曰孝友良模

吳萬選八都古市人年十三失怙哀毀成禮事母潘氏

松陽縣志

卷之九

人物

二十七

凡事每先意承旨 數歲母病棄世選號慟欲絕營葬市北赤溪朝夕省視如是者期年服闋補博士弟子員樂濟人急康熙戊戌歲大饑捐米數百石設廠永甯觀煮粥賑饑全活甚衆壬寅又饑選捐賑如初邑令楊命監督賑務辦理有法事竣各憲給額旌焉生子四俱登鬢序壽七十二而卒

孟淑思字子孺邑庠生十二都外孟人天性篤孝父病寢不解衣尤慷慨好施雅有麥 之風幼習壁經晚益洞徹于 註之外細加箋釋 待訂未付剞劂壽至八十有三卒

洪士陞字爾登八都舊市人性和易善排解紛難遇鄉里貧乏者必黽勉周恤之尤敦孝道母方氏早故父續娶汪氏家窘爾登與室朱氏自食麤糲而養親必謀旨甘之味父病爾登侍湯藥衣不解帶者數月卒之曰擗踊嘔血絕而復蘇後居繼母喪亦然及葬廬墓側慟葬之日有丹鶴一雙飛鳴墓上移時始去人謂孝思感召交異之乾隆元年當道上其事于朝奉旨給帑銀叁拾兩建坊以旌其門

劉元瑞字應麟城北人明本邑知縣崇祀景賢祠宛懷

松陽縣志

卷之九

人物

二十八

公孫也宛懷居官清廉貧無以歸子一經遂家松邑至元瑞而家計彌索然自以清白吏子孫砥礪廉隅事二親最孝母王氏疾篤延醫不效元瑞祈禱于神願以身代病隨愈及後居喪擗踊嘔血氣絕復甦者二享壽七十二而卒人稱其敦品而孝思尤爲純篤云

麒字光振本籍晉江康熙初自平陽徙松爲人孝友雅篤兄弟之誼兄歿姪孤且貧麒爲之喪葬并揭姪于家代婚娶撫育成成人隣里有貧乏者輒周恤之乾隆四年邑令吳雅重其人薦飲賓宴適病未果

蕭元侯國學生字漢畱城西人幼失怙母撫養成立生平重然諾好義舉雍正己酉歲饑煮粥賑民全活甚多黃公渡屢溺人造船以渡子三長廩生懋禧次貢生懋學懋爵均有文名壽八十有五子孫繞膝

王謨北鄉王村庄文童孝出天性母葉氏病篤祈禱願以身代竝刲股和藥以進母故後哀號孺慕成疾而終鄉鄰至今稱之

篤行

宋

潘宗回字幾仲登進士第由秘書郎出宰延津通判杭

松陽縣志

卷之九 人物

二十九

邵洪三郡知福州兄弟聚居三十年敦睦無間鄉人稱之

王允卿字成之尚義好施嘗往括城索債宿其家夜遣妻叩門卿閉門不納遲明即還不復索每寒旦視隣屋不烟者密以米置之歲饑山民煽亂輒私議曰我等至縣必驚西門王朝奉奈何遂終不入邑民賴以安世有蜀西黃承事之比子唐珪至顯官

項宜中字誼甫嘗憤激世變作窻蠹賦以砭其迷族有橫逆者奪其田曰在彼猶在此也嘉熙間歲郡守馬光祖欲行富鄭公青州故事誼甫即先輸粟二千

石以應之既而卜築山礪以學園鉛槧爲事尤好內  
典語人每以佛稱之

明

葉福景泰間舉人家貧教授束脯不盈十往往館未解  
而粟先支歲暮僅餘一金歸道遇殮殍福心哀之欲  
爲之謀葬倩工無資婦出絲縷以佐之越明年卽發  
科人謂陰德之報云

詹源字朝宗任湖廣楚府教授初見王無所饋獻以二  
帝三王之道上啟王嘉其言及掌簿正司出入却分  
例王益賢之謂世子曰詹先生學行近古剛方正直

松陽縣志

卷之九

人物

三十

汝宜師之幾三年辭歸構屋一區與子姪業儒者居  
之及定房籍請書契公曰汝居之卽汝之屋何用書  
也平居足跡不入公門邑尹就見欲爲治居公竟辭  
焉

徐萬松字茂松幼失怙事母以孝稱動履方嚴以明經  
訓攜李俗尙侈靡力正之士風丕變轉授南安紹明  
正學臺省交薦拂衣歸所著有吳中劔南嶺北諸草  
藏于家

葉以章字振凡萬歷癸巳選貢任東平州同知陞衛府  
審理平生孝友慷慨及歸林下倡義建學賑饑座銘

年八十六知府鄭奎光造廬延舉鄉飲賓有詩文行世通庠呈請配許楊二公祀四賢祠

包洪伉字以謙嚴氣介性博聞敦善少與五雲李公誌同學以意氣相期許李掇巍科官冢宰伉幾獲雋終爲遺珠後李還梓里亟延道故適林邑令不快于司李李孽其短伉不避直言令治行始獲全不受謝令與之交亦不干以私令高其義壽八十三

周繼梁號西屏事母孝撫諸弟成立同居數十年無間言爲人公忠服衆里有不平屬其處分俱息縣建學宮文昌尊經等閣董工忘勞出入度支如衡壽七十

松陽縣志

卷之九 人物

三十一

三

周體明性好善喜施與鳳臻門外修路五里助建橋梁行誼克敦著于族黨壽九十六髮妻齊眉子一芳有乃父風獨建東嶽宮粧嚴佛像萬歷初年施粥濟饑一月

周鳳樓號仰亭垂髻入泮選補南雍太學生負才期大受卒偃蹇不偶後授副貳慨然不屑生平賑貧焚券且買山收道殣無主者蓋有仁厚之風焉

潘繼亨號新陽篤志經史博洽淹貫中歲食餼壯心迄暮不哀爲人天性醇厚立行端誠常以誘美救過息

爭施與爲事誠儒行中表表者

葉經試字適南侍母疾垢穢必身親不委婢僕事儒不  
售日結詩酒交束脩延四方名師教五子俱採芹

潘國器字汝賢天性曠落與人和厚多積行善事兩院  
旌匾曰尚義曰敦善壽八十八卒子繼統庠生克承  
父業賢聲播聞次子繼續亦克紹乃志識者謂爲善  
行之報云

國朝

李起增十八都人秉性敦樸言笑不苟隣里有爭競者  
起增以理解之輒讓而退居家最儉約好爲義舉歲

松陽縣志

卷之九 人物

三十一

有餘積則修道路橋梁不自封殖課二子讀書延師  
必恭敬二子皆得早歲成名

葉龍光字繼先庠生母居桐溪龍光始遷居城北敦品  
行好施與名重鄉里少失怙恃零丁孤苦卒能振興  
先業晚年謝家事日以栽花種竹爲事二子長仰舜  
監生次仰禹庠生克成父志多義舉董修學宮及邑  
志二子與有勞焉

潘延銘字惟新邑庠生城南麒湖人少孤竭力事母教  
諸子以義方家規最嚴爲人真率遇貧而好學者輒  
周濟之有六子其五監生景滋有白眉之舉乾隆丁



亥修學宮戊子修邑志廷銘命景滋董其事不憚勞瘁

鍾紫選閩人寄籍松陽爲人敦樸舉農員

王天耀家貧親老業商閩中以供雙親妻蕭氏左右侍奉無怠容翁姑深嘉其孝其爲人確守法度和睦鄰里一生不履公庭於乾隆五年邑令吳卓舉鄉飲夫婦年俱至八十

潘繼相字廷侯監生城南人樸誠恂謹年七十餘以齒爲房族長每祠祭族人畢會繼相輒諄諄以孝悌忠信相勸勉至情懇切子姪中得其教訓之益者居多

松陽縣志

卷之九 人物

三十二

焉

潘繼濤字宗海邑庠生孝友性成年十七居父喪哀毀盡禮事母劉氏備極色養撫季弟成立學憲顧公厚相期許招濤隨任讀書以便指授時以母老弟幼辭會家業中落遂棄舉子業服賈數年頗饒於財然以濟貧周急爲心不厚自封殖也潘氏舊有宗祠年久傾圮濤獨任修建捐置祭田邑令吳給匾獎之

何應訓十三都支木人賦性敦樸生平嚴取與重然諾里閭有忿爭者婉言和解不使涉訟人咸服其公正潘廷杲字旭光一都善觀人善屬文弱冠補弟子員素

性剛方慷慨樂於施濟蠲義粟造橋梁振貧扶困惠  
周鄉里雍正甲寅 督學帥以優行咨 部請升八  
太學隨援例捐貢生享年六十六而卒  
劉朝賢字君輔國學生也住居界首務耕讀從不干外  
事望盧者雅重品誼其爲人愜幅無華猶有三古之  
遺風焉以是名高月旦前邑令吳曾贈以匾  
孟廷璋字蒼佩貢生侯選縣丞八都舊市人讀書善屬  
文精草隸之法遇事才猷練達修古市  
文閣與潘某等捐田給寺朔望收拾字紙邇年建造育嬰  
堂重修

松陽縣志

卷之九

人物

三十四

文廟及松邑志乘董理勤慎尤樂於施濟隣人某因貧鬻  
妻璋以金遺之夫婦完聚姪某貧而孤代爲婚娶歲  
周其衣食義聲藉甚  
蕭懋禧字鳳占明倫社人邑廩生孝事父母讀書善屬  
文歷試高等規行矩步足迹不履公庭雍正壬子邑  
侯孫乾隆丙辰邑侯劉並給匾旌之  
葉上正字端節謙和恂謹晚年彌自斂抑閉戶不出訓  
誨子弟日取孝經及內則弟子職令熟讀之每日爲  
人之道盡此矣無他求也康熙五十一年壽登杖國  
飲卿宴邑令給齒高德劭匾額旌之

葉增初爲人恂謹足迹不履公庭人或干以非義第和顏却之不直拒其非歲會計所入除食用有餘則酌濟親隣之貧乏者或勸其置產增初則曰積金不如積德吾懼無德以貽子孫何以產爲康熙二十五年薦飲賓筵郡守竇手書作賓王國匾額旌之

程奇峯字幹侯城北人幼失怙家貧母徐氏躬勤紡織教令讀書弱冠遊庠食廩餼充乾隆戊辰歲貢一生確守卧碑事孀母菽水承懽備盡孝道授徒家塾先器識而後文藝松邑名士半出其門下享年九十而終

松陽縣志

卷之九 人物

三十五

鄭衡字廷侯邑庠生天性淳良好讀書不干外事鄉里有爭競者輒排解之人服其公性尤好施與舊市宋某無力婚娶衡助金完聚更督義方之訓五男咸入黌序壽六十而卒

蕭懋爵字公言邑貢生温和淳謹性猶樂急公每歲權所入必先清國課素行與人無爭足迹從不履公庭鄉里咸欽重之

文學

宋

劉澹然字安道博極羣書嘉泰壬戌進士歷官至秘書

省著作郎初安道之爲舉子也遊三衢試士以風雲  
龍虎之賦魁於衆作郡守史相奇其才而館穀之邑  
人項安世徒江陵其子容孫以浙東憲使行縣展墓  
安道以啟致之曰立春繡於霄漢之上孰不慕公子  
之威名耀晝錦於井落之間我但羨長卿之風度又  
曰千萬世之人物山川盡收入吏部精神之表八十  
歲之鄉隣父老尙能誦平翁卍角之詩其俊逸之才  
如此著有午溪集

元

周仲瑜父此山先生館職不受仲瑜承家學益肆力乃

松陽縣志

卷之九 人物

三十六

以辟授稼軒書院長改紫陽書院

練進字長卿少博學通春秋尤精於律至正初詔入翰  
林終登仕郎大司農豐潤署丞

明

王景字景彰號常齋修癯美髯平居好挾策矢口成章  
時稱其文章上繼屈宋下並班馬洪武四年與楊宜  
同中鄉試初授懷遠教諭陞開州知府以考最陞山  
西右叅政無何下吏以糧撓法累謫滇南靖難師起  
會赦至京師成祖繼統擢爲翰林學士一時詔勅皆  
出於景景居官立朝不變鄉語知者謂其才高故用

是以自晦耳一日上欲出師值大雨上不懌景從傍語曰此乃上天爲陛下洗干戈耳左右不辨其語衛士竊奏之上大悅卽擢爲親軍指揮使景後徙居池州銅陵縣有詩文集焉

包仕登字文舉從王西山先生受尚書得聞性命道德之學應賢人君子聘爲國子助教一日明太祖召入武英殿賜坐陳二帝三王之道稱旨顧謂近臣曰此吉人士也以時訪問數有匡正陞齊府長史潭王以其聞望雅重之高麗國亦聞其名所著有兩庵和陶壁水海岱等集

松陽縣志

卷之九

人物

三十七

潘靜字紹安敏資絕倫博極羣書有倚馬才永樂癸卯鄉薦清操自守構小閣閤扉讀書著五經疏二十一史定論續性理奧旨未及行世卒

周景辰一名煥字以行號東蒙生永樂中學士王景彰薦入文淵閣纂修國史試以鴛鴦菊立就曰漢宮瓦冷夜來霜佳菊凌寒獨弄芳竣事擢知閩連城松溪二縣吏民愛之練魯得景辰上元應制詩誦之曰此詩直壓倒文淵閣矣家有東蒙集

劉誥字天章嘉靖乙未選貢初授河間博士其教人也默坐澄心體認天理其檢身也業業兢兢雖步履亦

不敢少失尺寸在仕途二十年歸家惟閉戶讀書暇則灌園種蔬嘗曰吾惟知修吾性命之學而已更何爲焉

徐夢易字徵伯號龍陽穎悟特達淹貫該博詩字俱工作文數千言立就應嘉靖乙未選貢入國學冢宰費鍾石公異其才華薦入西苑草制一時文翰傳於中外官京衛武學教授疏建大閱場築外城皆切時務進大易叅同契解以辟方士歸搆愛日堂養老母撫孤姓宗黨多景仰之隱居留名山喜談元學所著有徵伯集讀書記四子遺詮五經臆說李杜詩評皇明

松陽縣志

卷之九

人物

三十八

律說又衍易學全書未竟而卒

程鵬字叔南勤學敦孝童年列膠序足蹟不躡公庭聚徒講肄多遊其門者甘恬退膺賓筵益勵操修宗祠久毀鵬爲新之隆慶間修邑乘多其手筆

周翱號岳山少魯甚日讀一行不成誦其兄負笈於甌之名師翱往視一日言其心空去如有人開之者兄大異授書輒習讀書夜能記書半針行文落落不羈遂稱奇童甌人婚焉其師偶語東嘉令令親試道府亦親試俱以大器目之時文衡臨括道以已官舫送翱歸之遂入泮登浙榜賢書張相國孚敬其友壻也

以韜不第欲授上選卒負才不售賈志沒於家

詹一鶚號綠野邑廩生沉雅淵博舉修邑乘而賦性純孝其父宗之乃叅政季子也暮年每憂產落鶚輒婉辭以解父幾百齡卒其長子世教負才名廉取樂施訓龍游歸不改舊風邑高其行舉鄉飲賓

潘伯廣字子居爲人斷決有謀才幹過衆先是學宮圯議修葺屬董其成隆慶間纂修縣志傳記多所裁定癸巳舉鄉貢授福建政和訓卒於官

詹世宦邑廩生才宏學瞻兼善草隸遇得意作輒自書以遺人隆慶間修縣乘與其事焉

松陽縣志

卷之九

人物

三十九

以辟授稼軒書院長改紫陽書院

練進字長卿少博學通春秋尤精於律至正初詔入翰林終登仕郎大司農豐潤署丞

明

王景字景彰號常齋修癯美髯平居好挾策矢口成章時稱其文章上繼屈宋下並班馬洪武四年與楊宜同中鄉試初授懷遠教諭陞開州知府以考最陞山西右叅政無何下吏以糧撓法累謫滇南靖難師起會赦至京師成祖繼統擢爲翰林學士一時詔勅皆出於景景居官立朝不變鄉語知者謂其才高故用

王用賢字任卿卓犖磊砢博涉羣書善臨池試千餘言可立就其友以屢困文壇爲耻用賢厲聲曰文壇奪幟我輩事也且松故才藪奈何以偶蹶短氣己酉秋幾入穀以溢幅點額諭樂清授台州聞國變辭歸雨浹旬而卒

劉金號西澗嘉靖間貢歷教職一十八載素守淡泊簡易廉介廬舍頽敝遷漢陽教授以母年高遂告終養徐貞明邑庠生貌莊莊品粹學博善書與修縣乘頗盡公慎

潘國俊號起岩以謙自牧以和處衆克守乃父元詔之

松陽縣志

卷之九 人物

四十

訓博涉經史從遊者甚多應萬歷貢優游自樂子孫相繼寶興識者咸以爲忠厚之報云

王思卿字調元襟懷曠朗落筆雄宕嘗集邑博學鴻儒辯論六經四子業得意時自謂直悟聖賢心胸天啟間以明經訓西安尋諭富陽邑中人士莫不典型之毛復號心庵明敏博雅厭習舉子業與傅光前先生往復闡太極奧旨先賢雪庵公孤忠湮淪力白遺事呈請建祠至排羣議復學宮舊址倡義樹碣表識遺墓義舉不能殫述所著有避色錄耦耕集藏於家

詹仰佐字國徵操行方潔崇正間貢授義烏諭未幾告



歸輿情重之每推鄉賓古陽致仕御史張公贈以四語云學探淵源義起著績志脫塵凡名馨千古詹加新字象鼎幼稱神童舞勺食餼博極經史諸書胸襟磊落不循世法至排紛難散千金弗惜因赴貢卒里人痛惜之

葉永華字玉果蚤慧博通諸藝有倚馬才崇正丙子登北榜賢書對智勇策近萬言主司黃太穉先生射覆曰此必名士曉揭果與揭重熙王宗熙稱海內三奇司成倪鴻寶先生謂其文骨峻嶒必能任天下事延入西席每與論經國大事著藕孔集讀書日記續河

松陽縣志

卷之九 人物

四十一

圖衍義諸書未幾以讀書勞瘁卒

王思才字輔元少勤敏好學善屬文場屋數奇絕不介意飲酒集友淡然自樂卒後妻陳氏賢淑已無出撫庶子如己子

葉瑞春號芳寰篤學寡言以明經授德清訓閉戶讀書轉諭分水雅意作人所餘俸資卽以修學宮賑貧士歸之日士子遮道泣餞不忍別

徐鳴時號紹溪性慨爽好學居鄉訓士有則一時俊選多出其門墻萬歷間貢未仕卒

毛維聖字時甫幼失怙敏捷善屬文孝友性成弱冠食

餽爲叅政李公叔元所器應崇正貢授上選懇辭赴  
科終於京邸時論惜之

葉芳萼字伯開少好學處家庭以孝友聞早歲食餽持  
已醕謹淹貫書史遊其門者甚衆屢舉德行著西崑  
集

葉正字書升淡泊自甘好學砥行一介不取士林中之  
雅淡者

國朝

丁日昌號寢明乙酉明經敦厚慨爽博洽羣書與人交  
周摯有禮人樂親之修文廟不辭勞瘁建尊經閣殫

松陽縣志

卷之九 人物

四十一

力料理齒漸高藝圃植花延老友酣嘯自適人勸之  
仕輒云五斗米豈易我嶺上白雲也壽七十二訓子  
皆遊庠

劉邁英字卓侯十三都上安人邑廩生治家嚴肅燕居  
無惰容讀書手不釋卷博涉經籍精於易著易經解  
義詩文雄健有奇氣邑令劉公贈詩獎之

丁正中字上卿城南人朴誠謙雅善屬文尤工於詩爲  
廩生聲譽藉甚及貢太學文名益著授山東嶧縣丞  
以年老辭不赴任所居有素園種竹蒔花與諸文士  
詩酒盤桓著素園詩集年至八十六

葉鰲字魁英由歲貢選訓導博學多才以詩酒自娛所  
教率多俊彥

吳國玫字文石十三都周安人邑廩生乾隆庚午 恩  
貢侯選教諭性廉介貧而能守掌教明善書院垂十  
餘年門下成就者甚衆歷任邑令皆重其品有某爲  
人所訟餽遺以私之冀其言以伸已國玫力却之其  
操守類如此讀書有根柢屢赴棘闈薦而不售益篤  
志好學年雖老手不釋卷

楊友桐字鳳棲十三都白岩人天資聰穎幼卽能文年  
十四入邑庠試輒高等文章矯健尤工于詩所至多

松陽縣志

卷之九 人物

四十二

題咏稿成復竄改或依韻更作他日又復然以此詩  
益工乾隆庚辰歲貢例選訓導未官而卒有子六人  
設家塾自課五子已遊庠克紹家學

許萬青貢生字穎選城西人髫年嗜學生平性耽清雅  
築綠水園曰與諸文人飲酒賦詩倡和成集除蒔花  
種竹之外從不干外事人咸羨其雅量高致焉

包旭玄字世卿城西人由郡掾捐選經歷喜讀書每與  
文人學士爲詩酒之會竟夕哦咏典則富麗諸文士  
自以爲弗及也順治初溧陽相國陳芝山公諱名夏  
未遇時客括蒼因世卿能詩訂交旅寓遊三巖作記

書扇以贈臨別又贈以序詞曰余於世卿蓋友之矣  
并贈詩曰空谷人來可定交相從載酒俯僧巢目前  
窮達皆兒戲天下山林少客嘲屢汲流泉松火怒漫  
登小閣竹風敲君母自愧非儒業誰識于旄在浚郊  
其相引重如此康熙己亥相國孫陳世超來宰松邑  
求遺墨題詩其後宣平令晉陽雷仁育錢唐進士黃  
大齡孝廉何又爽袁珏皆次韻和之重相國之文抑  
以表世卿之風流蘊藉云

傑邑廩生字漢元界首人讀書好學善屬文試輒高  
等尤工詩賦著吾廬文稿節載藝文貧介自守足跡  
從不入公門儒學胡雅重其爲人舉報優行第壹督  
學李廉得實以學優品重四字獎之

松陽縣志

卷之九

人物

四十四

丁嗣任邑廩生字又尹城南人恂謹自守胸有涇渭善  
屬文累舉報優行擢高等父瑗喜留心當世之務自  
風俗沿革職官乘除具有筆記嗣任曾據修邑乘焉  
丁植優貢生城南人才品純正著有詩稿阮芸臺中丞  
聞其佳句檄儒學索呈全集適已人亡稿失  
蔡士梁字東橋品端學粹工書法掌教書院士林重之  
潘益恭庠生字謙谷工詩畫游幕江右聲名遠播  
葉叢蕙廩生字君瑞教授閭里高足有登巍科者

王玉汝廩生字小扉家貧力學著有墨竹山房詩草  
葉方暄邑庠生字岳松瑞應里人少孤事母孝博古通  
經受業數百人多成名著有四書單字解六卷子景  
適爲名孝廉著述亦富十三經題要經解尤覘實學  
次子佐清任永康於潛教諭士民立去思碑焉  
蔡懋功邑廩生字華城博學通經史闔邑推爲碩儒  
蔡懋建歲貢生字午山學有遠識執經者眾  
蔡懋中歲貢生字東閣文品兼優書法得古趣  
詹巖歲貢生字巖山夙具慧才字法精妙

葉暘暢邑廩生字梅塢能文善隸書兼工詩賦

松陽縣志

卷之九 人物

四十五

孟居仁邑增生字春原工詩文善畫山水名振江浙  
周起芳邑庠生飽學有識澹於名利終日手不釋卷  
沈昌邑廩生字亦農文思敏捷工詩古試輒冠羣著有  
墨香草堂詩待梓

葉靈芝邑庠生字聖瑞好學不倦性嚴毅不徇流俗  
丁寅附貢生字虎侯謹恪能文咸推老成典型  
鄭文光邑庠生字愛古孝親嗜學教授有方不干外事  
尚義

宋

潘好古字敏修入成均與名士游值歲饑傾廩濟之洪

水至好古與同處者數十人諭舟人先濟餘人舟人曰吾德公故冒險來好古曰濟彼猶濟我也鄉人義之

王灌乾道中以賦役繁重首創義役役先後視籍田多寡視等行之三十年而訟不抵于有司

楊大同素業賈寓武林邸舍忽聞隣哭甚哀詢之乃王尉失囚獲罪鬻女以贖故相泣別大同遂出資以貸尉他日大同婿遂昌鄭克寬登進士調鄂州監酒時鄂守卽王尉也克寬以公事候門守覺其鄉語類括問曰識楊大同乎曰妻父也守曰尙在否曰卒矣惟

松陽縣志

卷之九

人物

四十六

妻母見留此守曰汝爲我迎楊媪來至則坐媪於堂率子女羅拜於下以母事之因語其故置克寬於幕以薦之

程大雅字正之素尙義遇歉嘗捐廩以惠鄉隣積雪起視鄉隣不火者密以米置之門雅古籍二都助田三十畝以資都役人有鬻妻兒者以財帛周之其人以荒山一區爲報大雅收以葬親卽今五龍搶珠地也後子孫名登顯要人以爲陰隲所致

明

吳亨性倜儻尙節義洪武初以浙東副元帥石抹公命

出資財築處州左渠城五十丈後洪武十四年縣西  
橫源山民倡亂縣帖下亨率鄉人逐捕其黨閭里咸  
賴以安繼又出私帑造船於本縣金梁烏石二渡以  
濟行者鄉人至今稱焉

劉原熊世爲蛤湖人父惟賢徙居澄川捐資倡築獨山  
百仞堰建永安橋置澄川渡立祭田以祀先修德行  
誼遐邇具聞正統間陶得義等倡亂松之男女多避  
於橫山寨寨近澄川守寨者素聞原熊剛毅各捐簪  
珥求爲禦護熊却之曰賊因財而致亂予復因亂而  
受財相去幾何卽椎牛注酒集鄉人原熊執殳前戰

松陽縣志

卷之九

人物

四十七

賊懼退居城北夜有携妻子東逃者賊知次日乘機  
劫寨原熊又掖兵戰于野斬賊魁四級熊亦力戰死  
鄉人哀之祀於社

包麟字天祥以貢授羅源訓導先禮教而後文學人多  
仰其高誼時羅源有賊劫庫宰乘夜出逃麟主庫收  
籍其餘篋封識無避嫌人亦信之歸老極貧一日忽  
沐浴辭親族而終

潘伯槐號平川孝義性成樂營美事初縣令楊公以五  
尺橋壞行者苦涉槐捐資築之縣具匾曰尙義建橋  
其族祠堂歲久而毀念子孫風雨皆有所棲而報本

之地獨無覆庇卽捐金壹百貳拾兩倡建復撥田供祀

葉傳字南岳邑庠生個儻多豪舉其兄伸緣事忤令令具伸傳適遊學于省自負年力改伸爲傳代禡及兄尹儀真絕不望報解推惠人無德色受者罕識其面子選功鬻產以教子孫有父風

葉應麟號賓川爲人有介性讀書務明大義由鄉貢授昌化訓講學端本澄源一時推爲文宗會縣宰峭刻不情仇疾諸士通庠將詣府愬之公適由府回道遇諭之曰虎雖可搏當戒傷女盍歸吾自有說宰聞感

松陽縣志

卷之九 人物

四十八

登門謝過遂改行遷分水諭尋告致歸

潘元榆字養性爲人慷慨尙義家範嚴肅萬歷間縣大荒多疫榆爲煮粥待饑復買藥餌延醫以療沉疴活者無算今子孫昌衍時以爲陰德之報云

毛翽字漢舉善鼓琴弱冠董築和仁橋程石鳩工不煩而事集伐木作室有竊而藏于水南之港其隣具以告翽恐得實則暴竊者過無以齒鄉曲潛令移木方徃視竟蔽其醜每春耕里有不能播種者命僕携苗協之五子皆成立四子鳳階端方靜雅爲一邑典型惜未展所學而卒



潘元寶字天球慷慨好義人有以空田虛契售銀殯親者卽應給之後知其貧無措遂焚券嘗施米賑邑中無告者貧人德之壽九十三

丁芬字新吾邑庠生居貧好義憫人艱涉倡造赤塔橋改建文廟殫心力以營助遇人有急排難解紛又助貧喪兩嗣得明經焉

葉德佐字廷輔少孤家貧事母至孝天性長厚不侵然諾好施予恤緩急不責其報內行尤愆不取非義不視邪色日惟課子誦讀勉以忠孝廉節爲本不圖溫飽以故子元芳令崇義有聲蓋得于庭訓也

松陽縣志

卷之九

人物

四十九

詹應霆字體震布衣能文纂修家乘爲府掾時有無辜受冤者府尹欲置極刑霆爲力白乃免斯時尚乏嗣忽夢神告曰汝能活人陰隲不少錫爾子且賜爾程後任雷鄉親見子孫食餼壽至耄

劉德傳字克繼天性孝友尙義恤貧鄉隣有不平者一爲居間無不釋然或經訟公庭片詞和息以故縣令漳州張公無錫周公尤加禮重子燿以貢授泉州通判崇正初封如子官

孟師曾字省吾邑庠生好義樂善救人急解人紛捐資修路造石佛嶺上茶亭又撥田五畝捨其租每歲于

嶺上施茶三月以濟渴行 誦其德焉屢舉鄉飲賓  
周繼宗字德軒少孤篤志孝行懿秉天植雅慕古人邑  
兩舉修學董事唯勤且建橋梁焚借券掩骼還遺煮  
粥起殍種種善行列諸旌善亭

毛有常字維德守正不阿早失怙事母孝撫三弟同居  
身無私蓄濟貧憫凶有焚券還遺助葬種種善 閭  
里稱之至捐資董事鬻宮獨任修祠俱人所難能云  
葉廣俸號倫泉性至孝好施樂善捐資買山爲義塚以  
與貧無葬所者院道旌獎列名旌善亭屢舉鄉飲壽  
八十七

松陽縣志

卷之九 人物

五十

毛鳳寶爲人慷慨好施癸卯建學捐資力助更有施粥  
焚券種種義舉難以殫述其子汝達克承父志亦助  
建學好施不倦

楊秉燹號平舒正統間納穀壹千貳百石奉勅授七品  
服俸建祠祀祖其勅旨及像見在宗祠可考

詹立敬號懷野吏而通儒任宜興鍾溪巡檢建五洞橋  
與周内閣尊人飲酒賦詩相倡和逮授松溪尉內閣  
爲制錦贈行見松溪西門外水漂骸骨遍野買義塚  
以埋之仍造松溪橋捐俸鳩工又鑿井暨諸惠政松  
多盜敬單騎往撫諸賊皆感泣解黨遂擢主簿松人

勒石建祠至今祀焉歸鑿石修青雲嶺路捐資建獨  
山橋往來義之

徐毓秀字振屏早失怙遺腹事母孝種德尚義修路施  
棺急公建學樂人爲善通庠舉以賓介捐資建祠以  
報祖德享壽九旬院道旌獎子雲蛟亦善繼先志捐  
資助學身董其工不辭勞瘁

吳以朗號碧陽慷慨尚義置買正念寺田跋入學宮修  
理邑士德之舉薦鄉飲介賓

徐子祥號仰屏尚義好施有孝行表率鄉閭居南洲隔  
河義建一庵每歲炎天汲水煮茶以濟饑渴往來人

松陽縣志

卷之九

人物

五十一

德之壽至耄舉鄉飲

毛汝芳字春寰少力學補邑弟子員天性孝友與兄同  
居每食雖蔬菜必親送之寒則奉衣疾則調藥兄弟  
相好至耄不倦妻父耄年無嗣遺以金不受卽爲之  
置一妾得二子時人咸誦之

劉應雷號少塘慷慨好義喜爲人解紛難邑建青蒙塔  
上鄉勸募皆一力獨任又倡造舊市三角壇大橋里  
人德之年已古稀給冠帶兩爲鄉飲賓宋同知劉定  
言其先世也

潘國薦號冲寰親賢好義業儒不就在京有麗水赴選

者疾卒無所歸出資殯攢同邑王貢生疾資斧乏薦多方調理及不起代置棺衾携柩歸所費不責償里人義之授廣西恭城尉院道獎其弭盜有方轉陞白水巡司辭歸不赴壽七十三

徐學韶字景舜少遊庠孝友好施捐創宗祠設田供祭建橋埋骨歲荒出粟平糶鄉人愛敬如骨肉壯年失偶不再娶子新化克承父訓爲時名士婦毛氏尤極盡孝韶年八十三事至四十餘載相夫奉甘旨靡間韶疾劇新化奔走醫藥氏割股顛天遂少甦宗族里黨請揚之韶亦力疾陳情署篆郡佐葛公造廬嘉嘆

松陽縣志

卷之九 人物

五十一

韶始怡然長逝

徐自新字元白性洒脫居家淡泊與人交無貧富凡有托者視事若已忘身赴之又多才藝善針灸醫藥堪輿等術所著醫案神針論補有回生手壬辰冬有僧雪如病篤求診會大風雪往救之得活途歸冒寒卒年七十

葉以爲字邃修邑庠生貌魁偉性慷慨好義遇善事喜爲不倦借貸不計利更愛友延賓畧無怠色

徐兆佐字魯卿邑庠生天性孝父疾篤家貧不能藥跣足拜禱于方巖徃復三百里裂趾忘痛苦父獲以痊

渡石牛解衣與人救覆舟人白舟中有與君戚乎佐  
曰人溺猶已何必戚而後救也人負慚嘖嘖高其義  
國朝

潘延洙字聖源弱冠登庠讀書不問世事丙戌夏妻毛  
氏產厄會潰兵數萬至男婦盡匿洙夜負妻至河村  
尋卒苦哭兵至獲洙着引入山至男婦避處不從洙  
引刀自殺避難人藉以獲全均義而感之

何宗璽字廷信好義樂施捨田建赤塔橋渡助建中洲  
堂以濟行人憩息壽百餘冠帶榮身旌其門曰高年  
耆德

松陽縣志

卷之九 人物

五十二

何讓字德美爲人梗直有爲善理財樂成善事同弟誌  
均壽九十餘子孫蕃昌邑皆誦其盛德所致

葉瑛善醫設藥肆於門以待疾者而施之遠人輒留躬  
治藥餌必療而後去子濬承志歲稔積殮罄其庾粟  
叁百石出賑乃曰而亦念溝中瘠將爲祖宗守墳墓  
鄉里稱善人吾可無憂矣人謂有麥舟之風郡守廉  
其事父子咸舉郡飲

何伯仕號泰岳年四歲失怙母葉氏誓死撫之成立生  
平好善樂施助學建橋遇歉歲慨然出粟以濟鄉隣  
之困邑令聞而獎之舉鄉飲固辭壽七十五

戴日康字國泰本籍金華遷居松邑城北有膽識順治  
四年洪舜寇松縣令脫匿洞陽觀遊府陳發兵捕勦  
洪舜退屯白巖日夜劫掠陳疑有爲寇暗作間諜者  
民情洶洶日康謀于所私曰此事非縣令不濟然勢  
急矣但使印信尚在可爲也乃潛入縣署于三堂匾  
額上搜得之遂出安民告示蓋以縣篆又密遣人急  
迎邑令從後衙入出堂見遊府力剖無間諜事松民  
賴以安堵

詹儒熊字渭兆城東人庠生康熙乙丑松邑饑斗米四  
百儒熊捐米貳百石設廠煮粥族隣有產女欲溺者

松陽縣志

卷之九 人物

五十四

儒熊知之急令婢抱歸撫爲己女備粧奩嫁之人有  
借貸靡弗與或久逋欠果無力者輒焚其券義聲藉  
藉生平敦厚謙讓不履公庭年至七十歲

劉廷英字殿侯十三都上安人貢生生平好施與康熙  
五十二年舊市江進源以負債鬻妻哭別甚哀廷英  
偶過其門詢知之代償聘金以理遣娶者六十年均  
後徐正利亦因貧鬻妻已就道廷英追回贈金復全  
其夫婦兩家至今德之其餘恤饑寒施棺木貧乏者  
歲受其惠義聲藉著鄉里

詹廷韶字又善城東人庠生友愛兄弟最篤生平多義

舉二十都有程某者貧鬻其妻韶贈金使復完其夫  
婦雍正甲辰春有丐者十餘人以疫死于舊學基傍  
神廟中韶備棺埋之鄉里競高其義

劉時信字希賢二十三都小槎人束修自愛富而好施  
捐造橋梁修砌路道掩埋遺骸義聲藉藉郡守黃公  
邑令連公孫公黃公皆給匾獎之乾隆五年舉鄉飲  
壽至九十一

周繼開字隆盛十三都高亭人凡里中公事知無不爲  
助修學宮及邑志建祖祠造濟川橋其餘升斗之惠  
不可枚舉捐社穀參百石給頂帶榮身撫憲莊公書

松陽縣志

卷之九

人物

五十五

匾旌其門曰善足型方子四人克承父志孝友之名  
著于鄉里

徐有朋字三友十三都山甫人爲人豪爽好義助葺學  
宮修砌橋路多不惜費見貧乏者輒憐恤之或有逋  
負無償卽焚其券乾隆戊寅歲捐社穀壹百貳拾石  
藩憲明公匾其門曰惠施枌榆年至五十有子六孫  
十三長子庠生成章讀書嗜學人以爲積善之報  
郭仲鮑字恒宇閩省仙遊人占籍於松慷慨多義舉捐  
捨棺木掩骸埋醜歲費數十餘金乾隆庚午松邑置  
社倉仲鮑捐粟伍拾石人咸義之

處世謙和遇修寺院橋路無不首先捐助乾隆庚午  
松邑創置社倉倡捐穀叁拾石邑令吳旌給以匾  
斯盛字載錫城北人邑增生刻志讀書屢試高等有  
幹濟才雅意急公

圯壞斯盛倡議捐修摠理其事賢勞持著以是品重  
膠庠

葉乾字爾健本籍麗邑明洪武謚南陽侯葉琛之後至  
嘉靖初遷居松邑張山天姿英敏年十四遊邑庠文  
詞工雅善敦品猶樂施予乾隆戊辰歲饑猶施穀貳  
百肆拾石以周貧乏邑令陳給匾示獎以彰惠濟之

松陽縣志

卷之九

人物

五十八

美

文學字步商閩人寄籍松陽爲人沈靜樂于爲義雖  
多費不吝捐社穀壹百石復助修學宮及邑志在鄉  
里周濟貧乏人多嘉之

庠生十二都南溪人幼失怙事寡母最孝生平  
慷慨好施遇荒歉出粟濟鄉鄰之困凡修道路造橋  
梁有利人之舉靡不踴躍捐助人

蕭懋學字敏來邑貢生雅好讀書樂

疑難 曰進雖累試棘闈薦未 自勵

之義舉交著里人樂步



饒士芹字忍齋城北人慈祥公直有幹練才曾爲邑功  
曹出納持正歷任諸邑侯咸倚賴之平日排難解紛  
樂行善事每多隱德子慶霖以名孝廉作本邑山長  
數十年科甲廩附半出其門於同治甲戌例得重遊  
泮水孫曾濟濟亦各有樹立焉

蔡懋昭字東璧附貢生城東人天性孝友親病刲臂以  
進撫幼弟三人各成名有仕至縣令者生平慷慨有  
大志地方每遇要公必爲首董歲大旱倡捐散賑邑  
侯以仁施利濟置匾旌之復首捐社穀二百石府尊  
以爲善最樂邑侯以邑有澹臺額其堂厥後興築城

松陽縣志

卷之九 人物

五十九

南河隄慨捐二千餘金工始告竣洵爲百年之利云  
葉文蔚字豹巖附貢生城北人立品篤行富而好禮親  
族通緩急皆立應有鬻以田產者畀其原數不較價  
且必以大錢予之凡如捐社穀修祠廟築橋修堰靡  
不首出多金以爲倡邑庠之明倫堂傾圮有年慨然  
獨任其費建造如舊制迄今春秋頒胙報之焉

潘學元號善長城南人生有夙慧性純孝以侍親疾棄  
舉業援貢加州同銜居鄉行善不欲人知祈雨主醮  
事卽沛甘霖識者服其至誠郡庠派捐修理銀二百  
餘兩獨力以任之府尊以急公好義旌其門咸豐戊

午隨同張邑侯倡捐募勇防禦髮賊在界首陣亡年  
已六十有七事聞加贈知州銜建坊入祠長子煌以  
布理問襲雲騎尉其餘子若孫或登仕版或列鬯宮  
曾孫十數人亦英穎無庸品

宋永起三都楊家堂人起家勤儉世爲板業巨商贈助  
親友無吝色家中有壽誕不稱祝惟代完闔村錢糧  
以廣其惠每次計費數百金造橋修路猶其餘事壽  
踰八十而終子德煥克承先志曾孫亦純謹有禮  
葉有容十三都大嶺脚人周意濟貧尊師重道寒儒多  
感念之三子均入庠孫食廩餼世濟其美

松陽縣志

卷之九

人物

六十

蔡文熊字東侯例貢生城東人好施與樂善不倦曾倡  
捐社穀二百石邑侯江給匾曰惠濟桑梓又開通學  
宮前西流水獨任工費學師鄒以從善如流額贈之  
蔡桐封字其德石倉源人幼失怙事母孝謹以督理家  
政棄舉業就援按照磨生性慷慨見義勇爲地方有  
公舉捐助弗稍吝族友中匱乏者周卹各得其宜人  
皆以富而好禮稱之子庠生建侯建邦咸有父風  
葉纘輝字含玉城北人家素封而性儉約邑內有公舉  
慷慨捐資無吝色故得議敘同知銜恤貧振匱里鄰  
尤感頌之子國良授光祿寺署正諸孫亦無凡品焉

逸

周權 之通經史工于詩至京師 與館職

以母老辭之不受有此山集

庸四至元壬午鄉舉義烏黃潛贊曰 清性栗

凝烈雖未著于大廷功已翊贊夫 拜下風而

興起仰高山而景行

練魯字希曾至正間父進官京師因往省以宦籍就試

中第元主北去魯方弱冠南還不復 出處隱居

事親遭母喪飭粥啜水哀毀逾節比葬廬墓六年明

松陽縣志

卷之九 人物

六十一

太祖有詔徵辟有司舉魯應聘力辭不已至武林著  
辭病詩九律聲調悲壯思志哀鬱歸家閉門謝客所  
著有控伺集

陳德詢號少微山人博通經史雅志高尙獨立不羣識  
者知其有仙風道氣尤好山水遇佳勝處輒廷佇遐  
想思入風雲題咏務求精絕一時名士多推重焉嘗  
膺聘不起所著有少微集藏于家蓋少微乃括蒼星  
次處士淵藪故所號著皆取之焉

公慶號九芝山人能詩文善書劄見重於世當道每

欲推舉

疾壽七十五終

毛輝字彥明博學雄詞總制孫炎薦署學事屢辟不  
嘗曰吾讀書學問自分檢身理家修德承祀以  
焉竟樹卉種菊策杖獨步入紫青山中卜地爲  
名曰全歸窩自呼曰介夫士友以其愛菊類陶  
之曰潛齋先生今自龍山下有潛齋書院遺址  
包應元字伯仁居蟾湖航山水之趣尙義好施里  
渡跋租五十石以濟之時有壙場奉旨封塞  
掠鄉人受害甚衆元慨然赴道府代雪其冤邑  
羨曰斯人有義士風臨終戒子曰家無厚儲

松陽縣志

卷之九

人物

六十一

是賴汝也慎之得古君子之訓焉

詹希諫號西野有古長者風龐鶴髮猶勤學隣

室輒正辭切責子孫皆穎秀媿望族之

于鄉

謝一廉號岳陽事親孝少遊庠食餼爲時推重

獨任經營以數奇淡名心篤嗜丹青嘗入閩閩

其尺幅無不珍藏晚樂山水所至圖畫記詩以

懷壽七十

經號紹少年人治春秋

羣英廣方名

卓有成立

毛度號西坡苦志芸窻幼習舉子業先輩期以大受屢遭不偶因而考槃自樂生平制行誠愨取予不苟教諸子以義方子孫相繼鬻序壽踰七十屢舉鄉飲

藝術

毛梓字守庸精醫術受業於彭希武時御史吳叔潤公病瘠羣醫環視無措庸往視數劑而愈御史異之程恩與病惡寒欲絕家人已易簣庸往視曰此可起也使掘阱實火設續以卧其上覆重衾用釜煮藥蒸之卽起其奇驗多類此人多以神醫稱之

松陽縣志

卷之九

人物

六十四

張夢庚嘗遇異人授易學元末召居將幕推步無毫爽後復懸壺於市賣卜一日有葉某者無子多娶妾夢庚爲卜語以唐詩二句反其詞曰不是桃花貪結子却教人恨五更蜂葉歸曰謬哉此老風字尙不識而謂其識理乎未幾其人養蜂數十櫃一旦蜂出冒雨收之蜂忽四集其面螫而死人稱其神

潘國爵號少泉幼業儒數奇不偶有異僧挾針灸神術有賈者久跛僧索一飽齋爲針之跛立起爵異之懇求得授術遂大行往往奇驗遊公卿間俱尊禮之

周漢卿少嗜學博聞通曉百家尤好岐黃術精入元微

凡針劑皆立效人以神醫目之或有聞其至者不藥而安醫道大行於兩浙而婺尤著焉宋景濂嘗綴序贈之後遂家於婺

毛登第善醫設藥肆於門以待疾者遠人迎之治藥餌愈而後去長于起斃雖貧不受謝邑令聞而嘉之刺史廉其事給冠帶

葉文獻號近泉少業儒不就遷而業醫存心仁厚貧者無資不取藥值且復濟之盡心調理卒無倦色  
流寓

唐

松陽縣志

卷之九 人物

六十五

葉儉字靜能會稽人遍遊天下名山勝地至松陽登卯山卽大喜遂卜居焉其孫法善以道術鳴世封越國公元宗撰步虛詞以送之至懿宗亦製文以贈之後子孫多居其下

宋

沈晦字元用宣和六年廷對第一建炎三年出守處州愛松陽山水之勝因家焉凡歷守十九郡官至大中大夫直徽猷閣給事中所居之巷曰襲魁坊尙存有宣和御製賜宴詩碑刻於學所有遊詠山水詩文多

載藝文

董琇字星如揚州興化人博雅醑厚業儒數奇由貢監  
爲麗水二尹尋以庶母憂去後遂不仕得異人眼科  
術救人甚多樂松陽有仙隱風遂卜居山中

劉一先汴梁人也由武進士任鎮國上將軍從宋高宗  
南渡徙居舊市至今子孫蕃昌

脅潘不從抱子投崖下而死

周廷輝女年十八有姿色正統間避兵橫山寨寇至欲迫去不從卽以刃按其頸女曰寧殺決不汝污遂被害鄉人哀而葬之

包宏仁女年十九正統間鄉人乘亂欲逼娶女不從自縊而死

徐氏高僅妻年二十適僅生一子歲周僅溺水死徐氏索屍不得欲投水死以愬於神忽屍浮出人異之徐氏誓不欲生每思尋死以報夫族人憫其志共爲斷機圖以慰之曰節婦撫子有成是卽所以報夫也一

松陽縣志

卷之九

人物

六十九

日徐之父病篤間覺有神語曰當得人以代徐聞之曰是得其會矣遂沐浴更衣絞襟結帶以自縊父忽問曰予免矣蓋得女愬而代也

項氏吳榮妻有姿色在樓績麻有族姓名鷗童者窺而戲之項卽叱怒墮樓死隣族哀之聞於官刑其罪人禮葬之旌爲烈婦

楊氏吳四妻生子五月而夫亡楊哭之甚哀姑欲移其志楊不從姑乃陰納配里之巨族楊覺遂引刀斷喉死時年二十有四

鄭氏徐銓妻銓卒父欲令其再醮鄭矢志不易父以計



強之鄭度不免乃佯言沐浴更衣如內良久衆疑之  
開戶已縞衣自縊矣父乃歸其柩與夫合葬人名其  
墓曰完節墓

包氏潘經妻年二十五夫卒家貧二子俱幼誓志守節  
教子有成嘉靖間聞於朝表其門曰貞節

吳氏包旦妻年二十五夫亡泣血撫孤誓不再醮隣族  
上其事於官宏治間旌表其門壽至八十餘

蔡氏葉三妻三貧負薪蔡小心敬事之三久病織紵供  
藥三病篤執蔡手訣曰趨我生前嫁免得三年苦蔡  
詭爲樂從狀梳洗更衣因袖刃告于三曰我先嫁矣

松陽縣志

卷之九 人物

七十

仆地流血而死未幾三亦終焉

葉氏毛德妻年二十夫故子生方三月誓志守節育子  
成立御史王公表其門

葉氏周天民妻年二十五夫亡長子三歲次子在娠家  
貧誓志守節設夫靈於室朝夕哭奠屏簪珥勤紡織  
翁繼夫歿事姑二十年孝養懇至姑疾調藥寢食不  
違育子俱成立撫按郡縣並旌其門曰貞節曰節孝  
仍給布粟壽八十四

高氏徐洪勗妻年二十三夫故家貧紡織奉姑父母欲  
嫁之高以死自誓既而姑又迫之泣曰妾以姑老子

幼形影相弔萬一失所妾何顏以見夫乎勵志守節  
壽至九十其子琳亦克承母教敦尚禮義舉鄉飲  
張氏葉純仁妻年二十守寡事姑足跡不離閨域又善  
教子隣族皆憐其苦志

毛氏潘伯葉妻年二十孀居無子家無宿儲歲餘母命  
之出氏嘆曰吾命也苟所適復如此奈何堅拒之苦  
守數十載紡織度日縣尹范公聞其苦節匾獎曰勁  
節凌霜壽八十五

詹氏徐夢旒妻性柔順孝謹旒好學家貧出簪珥以從  
所志旒病鬱將危割左股爲劑療之病愈復作又割  
右臂及卒引刀自刎姑泣曰吾老子幼汝死益傷我  
心也婦勉強素食朝夕不離姑側值伯氏迎姑就養  
宦邸遂與姑訣曰妾所以不死者有待耳姑得所托  
妾願侍亡人於地下撫棺一哭而死

包氏周寵妻爲女時知孝義寡言笑父母愛之年十九  
適寵夫故遂布衣素飡奉姑盡孝姑曰此生何以報  
之姑歿益勵前志孀居四十六年勤紡織理家事少  
有餘則令子置祭田建祠宇周貧恤孤隣族聞於官  
匾其堂曰冰蘖

劉氏葉挺妻年十九孀居事姑至孝壽八十二而終

包惟政女自幼孝順母卒父欲醮人女曰父鰥弟幼女  
嫁則親何依辟纊養親父病侍藥不離左右月餘不  
解衣帶父歿喪葬盡禮以孝女終

毛氏徐揚輝妻生子萬松氏年十八夫亡松幼時有欲  
令改嫁者痛哭幾殞以栢舟自誓訓子有斷機畫荻  
之風松曲體母心以明經出仕人以爲節孝之報

葉氏徐大載妻年十九夫亡哀踊求死翁姑泣謂曰亡  
兒已弗及奉我爾能撫孤成立功德大矣乃拭涕毳  
勉拊育幼孩孝着翁姑冰操始終無間院道獎賞子  
毓秀克有成立

松陽縣志

卷之九

人物

七十一

毛氏潘元義妻早喪夫矢志守節竭力事姑宗黨罔不  
哀之事聞於上司旌表其門男國璽娶婦徐氏末期  
而亡徐朝夕慟哭遂自縊時稱潘門兩節

葉氏生員徐度貞妻年二十一夫亡勤儉紡織苦節殞  
身有姑詹氏遺風年七十二縣以匾旌之

周氏潘伯正妻年二十一夫亡子幼家貧織紉自給訓  
子入庠足不踰閭三院屢給布粟旌其門曰貞節

周氏毛鳳周妻年二十四夫亡矢志冰霜事舅姑盡孝  
縣令范公錕匾其門曰節孝雙全

葉氏王家士妻家貧愛敬無怨言夫以骨哽斃氏撫孤

而摩其頂示不欲生翁不揣其 曰若不患無夫矣  
氏頷之俟夫喪葬事畢仰藥卒 日目光如炯人以  
爲貞節所感

氏劉孔教妻年幼而寡姻族漁 勸改醮氏誓矢栢  
舟男德性娶媳葉氏甫孕而德性殤葉痛哭欲絕毛  
氏涕泣苦慰曰而尙有妊或一綫可延也葉稍節哀  
產子撫育成人郡以匾旌之曰節孝

楊氏葉良俊妻年二十五夫故遺幼子家無擔石縫裳  
紡紵糊其口姑嫜憐之聽他適氏誓矢靡他詎子女  
成立俱夭折晚年益孤苦壽七十三邑令林公匾旌

松陽縣志

卷之九

人物

七十二

之曰霜節

氏周一蘭妻性貞靜年二十一孀居誓節事舅姑葬  
祭唯謹茹苦嚙辛五十餘載矢志如一屢經院道給  
匾獎勵載入憲綱歲時給以束帛壽八十一

葉氏詹希元妻年二十而寡三子少孤強節哀撫以慈  
教以嚴壯有室曠禮獨加杖長子應瑞暨厥婦最得  
氏懽侍疾 解衣終夜跪摩其胸背時咸以孝稱之  
周複妻氏孀時年尙艾足不 言必中禮

苦志撫子完成立完克肖孝義敦 務實年踰

不輟吟咏瞿郡倅

禮焉

半載匹耦莫非前定一與之齊終身不改乃苦守至  
八十多載鄉閭咸重其節

周氏毛汝節妻年二十四夫亡兒方離襁褓家貧朝夕  
紡織訓子成名邑令張公匾獎之年至七十二

徐氏葉有斐妻年二十二遭夫疾割股以療因遇祭斐  
思食鷺氏懼傷生勸止之不日夫卒氏遂誓不食鷺  
守志五十餘年訓子凌雲遊庠行著鄉閭院道交獎  
其貞節云

周氏徐應鳳妻性好施捨孀居苦操時無間言壽至百  
餘歲邑令林公造廬以禮謁見仍立碑亭以表揚之

松陽縣志

卷之九 人物

七十五

王氏潘國聘妻年二十五寡居父懷軒自宦歸佯試之  
曰汝終適人乎撫子乎氏曰婦不二夫大義也三子  
具在吾何適乃益堅其節撫子十數年成立遊庠又  
及見孫遊庠孀守八十多載

氏葉經濟妻夫歿治家有度教子成立子又夭卒同  
徐氏撫孫家漸衰落始終靡間時人稱爲雙節

劉氏葉繼忠妻年二十七忠疾篤與妻永訣謂子幼而  
貧不能糊口聽他適氏哭誓曰夫雖服田然家世詩  
禮妾馬敢玷家聲比死食力撫二子壽八十餘縣給

曰貞節凌霜

徐氏潘繼恩妻年尚艾恩疾亟與氏訣曰吾夙重師儒亦唯望二子成立振我家聲今吾不及見汝當責成之氏痛其言勤守家業嚴訓之學氏疾篤亦與二子言曰汝父遺言庶幾可復唯望汝兄弟克振家聲式相友恭壽六十餘終

楊氏程大秀妻年二十六夫故家貧紡績撫養幼子長成壽至九十六

潘氏葉起鳳妻年二十一夫病終年調理衣不解帶及故幾不欲生姑慰之曰我老孫幼誰爲撫養氏遂矢志不預外事時姑病危籲天割股祈以身代邑令張

松陽縣志

卷之九

人物

七十六

公給其匾曰節孝

葉氏生員項應元妻元奮帷嘔血病劇氏籲天割股終不治慟哭欲絕翁力解曰汝不念垂白當念諸藐孤乃勉進粒年方艾事姑嫜生死皆以禮經營婚嫁多方拮据且訓子成人爲時所敬仰云

潘氏葉時華妻年二十一夫故家貧紡織撫養幼子內外無間言壽六十五

程氏徐履祥妻夫故遺二子氏哀悼撫育幾成人而殤哭不欲生乃父必進公諭之曰兄弟之子猶子也俾叔氏娶妾多男子爲汝夫繼則生賢於死矣氏如命

捐產資叔得三子爲立繼族里共稱賢節

洪氏生員王夢日妻早年夫亡家貧紡織自給

孤旣而夫之兄弟欲奪其志洪覺截髮自誓

鵬舉匾旌苦節

高氏王士良妻頗通書史踰笄夫故茹素誦經撫前氏  
之子若孫勝已出遺腹一女紡績養成擇配以賢

計貧富

徐氏周繼康妻年二十五夫亡守節不渝終始如一訓  
子孫俱業儒有古人風

劉氏毛鳳華妻年二十四夫故子汝榮汝章尙在襁褓

松陽縣志

卷之九

人物

七十七

晨夕勤紡撫之及汝榮爲商于外汝章奉菽水甚  
懽心族黨尤以孝著邑令程子諫旌曰孝慈一家

壽八十七終

葉氏董伯思妻年二十六爲未亡人誓志終身孀守二  
十載無間言署縣令張公匾嘉之

徐氏葉公榮妻年二十七夫故育二子 誓死靡他

朝夕勤績以力耕訓家子少山善事 病刲股

療之守志六十五載如一日壽九十一

國朝

徐氏生員高攀桂妻早喪

境刦掠強奪不屈遂

葉氏徐日華妻年十八丙戌

間遇賊逼不從遂墜巖死

葉氏庠生項繼燹妻康熙甲寅閩逆寇 氏年

密縫衣袴遇賊逼欲污之罵不絕口賊剖其腹而

劉氏庠生毛傑妻康熙甲寅避閩寇入山爲寇所

寇汚已行至崖壁下臨深澗處乘間投澗死人盡

之

何氏庠生徐履綱妻年二十五夫亡二子俱幼痛不

生父慰之曰死節易教子難當爲其難者氏勉

松陽縣志

卷之九

人物

七十八

家貧紡織撫孤跡不踰閫訓子麟瑞食餼于庠每

夫忌哀痛如初壽八十六

葉氏庠生何承茂妻年二十三夫故一女四歲一

三月族衆議嫁之葉以死誓再迫之泣曰所未

以遺孤在若死所甘也自經者再人始不敢議

母曰事紡績以育子女子登桂遊庠女妻庠生

億年五十有六子婿欲爲請旌氏不許人咸敬重

葉氏故衿潘嘉澍妻年二十一夫亡生一子方週氏

縵殉夫翁姑救解曰吾年七旬不幸子死汝若

誰望乎氏勉留守節以十指爲俯仰



氏同避山中嬪

存罄私錢贖歸賊平還邑訓子 書皆得遊庠

八十三

何氏儒童潘延萬妻年二十二夫亡遺孤襁褓女

立志守節備嘗辛苦教子成立孀居五十餘年

嘉其節欲爲之請旌氏謝曰方吾夫之死吾不

死殉爲翁姑衰老子女俱幼乃隱忍偷生以至

尙何旌爲鄉里聞其言益加歎服壽至八十二

潘氏生員劉國旺妻年二十歸於劉生子朝瑄在

而夫歿翁姑憐其艾聽他適氏泣曰翁家世

松陽縣志

卷之九

人物

七十九

玷厥聲耶以栢舟自矢礪志撫孤讀 授室已

立子復死氏慟幾絕曰死而有知何顏報 夫

下欲自盡者再族黨共相勸勉遂立侄次 爲

師課讀爲之擇配備嘗艱苦郡守 而嘉

曰冰清玉潔壽至六十餘孀守幾四十

葉氏廩生徐麟瑞妻年二十九夫死

氏旣寡家計更貧姑媳相依 荼

氏年至六 而 人稱

葉氏劉永發

甲

入山谷中

守節克盡孝慈年至

節壽懿輝

徐氏城東橋亭庄詹廷弼 年

九年以壽終邑令孫翼旌其 松筠玉節

潘氏十四都毛村毛羽詢妻年二十九天死子

八歲氏守苦節教養成立郡守王公以匾

方嗣徽

周氏桐榔李永道妻年二十六夫亡而無子

依或勸其他適氏不從恃紡績糊口年至

節彌貞

松陽縣志

卷之九 人物

八十

潘貞烈八都舊市潘繼佳女許聘葉公愷子蘭

而蘭泰死訃至女欲往奠父阻止之女告其

痛不得生見夫面他日吾死當以棺歸葉

素服自縊女既死其妹始以其言白於父父憐

與蘭泰同穴葬焉

葉氏十八都潘葉生妻年二十八夫死氏上事舅

撫孤子孀守至七十二歲而卒

李氏劉復登妻年二十

剪髮自誓紡織以食 五十四

艱苦人嘉其

周烈婦十四都力溪鄉民魏文瑞妻家貧氏操井臼勤紡織以相其夫時乾隆己卯春文瑞他出有異姓兄夏顯者以言挑之氏聲色俱厲顯窺鄰壁無人持力強逼令箝其口氏號呼益力顯刃氏額仆地氣絕獨兩目不瞑文瑞歸奔訟於官官往視氏既死矣忽甦曰夏顯欲污我不從故殺我也言畢目隨瞑官奇其節題請建坊旌表祀節烈祠

梁氏二十四都淨居庄儒童包逢第妻年十八歸于包侍翁疾而不倦相夫子以惟勤至二十四歲夫亡撫子復天繼姪亦死復繼姪孫爲嗣置立祀田躬勤紡

松陽縣志

卷之九 人物

八十一

績不惜勞瘁更捐社穀叁百石于乾隆二十四年鄰族舉報邑令吳鳳章具詳撫憲莊公准請旌表

劉氏楓嶺根王廷龍妻年二十七夫亡而無子氏稱未亡人者三十六年閉門紡績冰操自勵雖至親亦鮮識其面

葉氏城南潘承禹妻年二十三夫死勵志守節孝事舅姑生子益榮氏遺腹子也教之成立備盡艱苦年七十餘猶勤紡績邑令吳卓吳鳳章及儒學皆以匾獎之

金氏八都舊市葉長武妻年二十八夫死貧而無子氏

誓守志撫姪爲嗣紡績以供衣食人嘉其苦節

王氏五都十五里村紀正位妻年二十七夫故一子未週歲氏以守節撫孤自誓及子夭亡或勸氏他適輒厲聲叱之孀守幾三十年冰雪之操閭里多嘉歎焉  
蔡氏三都楊家堂宋伯玉妻年二十六歲夫亡誓志守節茹荼飲蘖今至六十餘歲閭里以勁節稱之  
王氏貢生劉琮妻年二十七夫亡無子或勸氏他適輒怒詈撫姪永錦爲嗣孀守至五十餘歲操行冰潔人無間言

包氏劉玫妻年二十九夫病氏奉湯藥日夕不離側及

松陽縣志

卷之九 人物

八十一

死氏誓守節有遺腹子氏危之復以姪永炯爲嗣一體撫養延師授學永爐永炯皆得成立

葉氏五都十五里庄紀德祿妻年二十四夫亡無子氏誓守撫姪爲嗣家最貧窘藉紡績資生終身不茹葷孀居數十餘年操行潔白人稱其苦節

潘氏舊市吳照慶妻年二十于歸吳門甫週年夫故無育哀毀骨立絕而復甦者數次翁姑慮氏年青私相嘆曰守此室者惟我二老耳氏聞言跪誓曰氏願以婦道而盡子道從一而終矢志靡他甘受荼苦縞衣素服不出戶庭設甘旨以供二老翁姑有疾徹夜忘

寢以侍湯藥疾篤焚香籲天減算天佑其衷得獲痊  
愈節孝聞于閭里守節五十餘年壽至七十有一

葉氏外孟庄生員孟修來妻德性溫柔克盡婦道夫染  
痼疾十餘年氏調湯藥勤侍奉者十餘年及卒遺產  
甚薄氏年二十九無所出甘心茹荼矢志堅貞繼伯  
氏次子廷珣爲嗣提攜教養獲登巒序享年六十有  
三卒

丁氏十三都上安生員劉啟璞妻年二十四夫故一子  
甫四歲氏誓志守節日夜紡織課子成名年七十而  
卒邑令孫因里人之請旌其門曰松貞栢操

松陽縣志

卷之九

人物

八十二

葉氏劉希敞妻上安人年二十二夫故二子幼家最貧  
氏冰霜自勵辛苦數十餘年家漸起敞舊時出售田  
產氏俱贖回年七十猶勤紡織人稱其有敬姜之風  
紀氏生員周亦文妻上方人年十八歸文孝養舅姑年  
二十九子永臺甫二週文力疾延醫罔效卒不起一  
慟幾絕舅姑歿哀瘁中延堪輿卜葬地厝先靈教子  
成立閭里咸稱賢節卒年六十有五

鄭氏上安劉啟瓚妻年二十六夫死父令改嫁氏剪髮  
誓 余以二子俱幼故偷息須臾如令余再醮是促  
余死耳父不能奪家最窘恃紡織糊口撫孤成立享

年八十有二氏叔啟珩夫婦早夭遺孤安世未週歲氏憐其無依撫養成人視同己出里族人咸多之  
葉氏城南王言妻年二十三夫死一子甫孩氏誓志守節操行潔白課子逢讀書食餼邑庠氏享年七十五而卒

周氏城東庠生詹起禹妻年二十四生三子夫故家貧甚矢志守節孝敬翁姑紡織撫育言動不苟除日給薪水外猶以紡資延師訓子二子俱登黌序氏之潔清茹苦亦節中之罕覩者現年六十有五

鄭氏城西潘景濤妻年二十三夫死誓志守節生承瑄

松陽縣志

卷之九

人物

八十四

氏遺腹子也撫養成人瑄患風疾氏冀延一線之脈爲娶包氏孀守四十餘年享壽六十四而卒

厲氏新安朱旭升妻年十五歸朱事朱一十三載育三子一女皆幼穉而夫歿時年二十七居松之舊市棧  
棧子立撫養子女竭力婚嫁孀居四十五載而卒

蔡氏邑蕭啟濬妻年二十三夫故子元侯僅週歲氏誓守志撫孤成人爲娶許氏許最孝氏極憐愛之元侯歲經商外郡氏與許姑媳相守閉戶紡織雖所親罕見其面操行潔白享年九十四而卒

葉氏潘元森妻蕭氏潘元聯妻洪氏潘元銓妻俱舊市

下街人皆年少孀守稱一門三節云

洪氏舊市儒童蕭柱廷妻年二十八夫亡守節五十九年而卒

張氏界首監生劉秉鎬妻年二十九夫亡守節四十一年學使吳給匾曰清標彤管

潘氏舊市庠生葉萬挺妻二十五夫故氏慟不欲生倒身投井往救氣絕多方灌治始甦翁姑涕泣勸慰並責以撫孤爲重乃息殉志孀居數十載孝慈兼盡人無間言迄今書香縣遠蓋天之報其節烈云

吳氏石倉源蔡廷光妻年二十九而寡育一子名桐封

松陽縣志

卷之九

人物

八十五

甫四齡恩勤備至而督課綦嚴蓋母而兼師者待人御下動循禮法且能深明大義加惠鄉鄰有女丈夫之風焉

何氏周起豪妻城北人年三十一夫故矢志守節勤儉持家撫二子皆成立壽近古稀而終學使趙以貞操冰清額其門邑侯徐又以節操冰玉題匾褒之

徐氏程鳳苞妻城西人結褵十載而夫亡年僅二十九遺一子猶襁抱堂上又有白髮親氏克孝克慈躬理家政紡績維勤數十年如一日至其卹親鄰和族黨迄今人猶頌之邑侯李以栢舟二字作跋獎其節子

友濂以監生考充山東齋奏廳蓋恃母教成立云  
盛氏城東廩膳生沈昌繼室年二十七夫故二子俱幼  
前室子女亦稚弱氏一慟幾絕翁姑諭曰汝不念二  
老當念膝下雛乃勉進食矢志靡他撫前氏子勝已  
出苦守三十年亦孝亦慈喪葬婚嫁經理合則子宗  
敏遊庠後爲請旌焉

陶氏界首附貢生劉邦詔側室年二十四夫亡守節三  
十五年

毛氏赤岸吳家珠妻年三十七夫亡守節二十三年學  
使趙以貞操冰清額褒之

松陽縣志

卷之九

人物

八十六

孟氏舊市庠生洪溥側室年二十七夫亡守節三十六  
年而卒

劉氏葉川頭庠生葉方登妻年二十四夫亡守節三十  
年而卒

孟氏舊市佾生洪茂纛妻年十八于歸二十二而寡遺  
一子甫四齡氏堅心苦節孝事舅姑撫子洪忠訓以  
義方早游泮水壽近古稀而終

劉氏舊市洪傳墀妻年十九歸洪二十四夫故因無出  
撫繼子洪初若親生延師課讀得賦采芹事孀姑尤  
盡孝道鄉里皆稱其賢



毛氏張世杰妻年二十五守節治家勤儉井井有條事  
翁姑孝謹撫三子皆成立闔德爲城鄉所推孫文植  
文煜蜚聲庠序以訓導選用諸孫濟濟五代同堂壽  
至八十八歲而終

張氏徐承志妻住桐村莊夫故年僅十九抱尸痛哭飲  
食不進矢志同穴適懷孕已十月姑知其意左右不  
離屈旬日生一女仍飲酖而卒與夫合葬焉

吳氏楊烈燦妻年十八夫亡無出恐有奪其志者每萌  
殉念而姑嫜防守甚二 得已強顏進食哀禮兼盡  
越三月夫塚始封仍卽仰藥死

松陽縣志

卷之九

人物

八十七

周氏李啟鼎妻年二十七夫故家極貧十指自給嘉慶  
年間大旱鹽觔值錢八十餘文氏食淡年餘堅心孀  
守教子成立真不愧苦節云

葉氏附貢徐起棟妻青年未育勸夫納王氏生子友蕃  
而棟卒爰同心貞守焉有族某艷其產謀殞其子王  
氏竭力保護乃無恙讀書得食餼族某故三仍命子  
撫其孤後亦補廩王先葉逝皆守節數十年

許氏宋企璜妻年十七歸宋伉儷甚篤次年夫得痼疾  
親侍湯藥三載如一日夫亡無嗣誓以身殉卽飲酖  
而卒遂合葬焉

劉氏江增滌妻 吳氏張履泰妻 氏葉長齡母

闕氏吳邦中妻 氏葉萬春母 毛氏王學易妻

高氏徐殿鰲妻 闕氏馬礪元妻 包氏馬仙桂妻

徐氏葉萬年妻 潘氏葉增枝妻 徐氏葉永菁妻

氏包紹達母 許氏毛羽金妻 氏潘光亮母

陳氏潘玉峰妻 氏潘士奇母 氏潘起誠母

王氏葉如蕙母 氏葉文達母 留氏張裕文妻

周氏毛毓靈妻 王氏孟振鏞妻 潘氏葉蘭馥妻

高氏謝國瑞妻 黃氏吳志烈妻 潘氏吳永高妻

丁氏葉暘暢妻 劉氏葉方春妻 謝氏葉方城妻

松陽縣志

卷之九

人物

八十八

葉氏包嘉裕妻 吳氏張 妻 王氏施 妻

羅氏施 妻 梁氏包 妻 林氏葉成紅妻

潘氏葉之馥妻 毛氏周維烈妻 徐氏葉作銘妻

程氏包學堯妻 陶氏許官富妻 陳氏黃石蘭妻

王氏黃中美妻 楊氏翁顯華妻 葉氏翁振聲妻

劉氏黃長溢妻 王氏張鵬飛妻 楊氏宋鳳翔妻

王氏蔡大鏡妻 徐氏葉旺烈妻 傅氏葉旺堆妻

夏氏葉旺錫妻 江氏包顯耀妻 宋氏湯發旺妻

張氏湯景煥妻 蔡氏湯有松妻 江氏湯永柄妻

程氏潘學堯妻 程氏何元河妻 陳氏詹化成妻

沈氏蔡懋松妻 色氏葉敬勝妻 張氏葉茂

徐氏葉萬新妻 孟氏葉永芬妻 蔡氏潘承顏妻

葉氏毛峰秀妻 葉氏潘起東妻 楊氏葉題桐妻

劉氏張重訓妻 劉氏洪傳墀妻 黃氏葉泮榮妻

黃氏葉盛燧妻 王氏丁萬成妻 王氏張元福妻

黃氏潘景鏡妻 鄭氏丁家麟妻 張氏洪 賔妻

翁氏黃紹模妻 黃氏姜繼杰妻 潘氏葉紹銀妻

王氏修繼信妻 潘氏包人斗妻 潘氏包士華妻

葉氏包士廷妻 潘氏葉開菲妻 吳氏潘華 妻

包氏葉紹舟妻 閔氏張朝寶妻 葉氏張良瑤妻

松陽縣志

卷之九

人物

八十九

國璋妻 邱氏王學仁妻 程氏徐懷智妻

王氏葉滋生妻 王氏葉樹蒸妻 陳氏高培藩妻

氏葉長春妻 吳氏王正昌妻 潘氏吳永森妻

顯明妻 鄭氏詹汝榕妻 劉氏詹汝楫妻

王氏包文炳妻 徐氏毛履福妻 吳氏潘永豪妻

蕭氏程順起妻 葉氏沈開榜妻 王氏蔡大進妻

張氏湯炳川妻 徐氏闕麗泉妻 吳氏葉榮春妻

松妻 魏氏葉國 妻